

筆記小說大觀

集

康林雜俎

明談孺木著

第六冊

進步書局校印



棗林雜俎和集目錄

幽冥

東岳

文昌

三官

羅者洞

靈濟昭烈王廟

崇善王陳瑣

文明夫人

瘧使司

輪迴所

碧霞元君

聖女祠

玄武神

漢壽亭侯

周凱

雷廟

白眉神

李衛公廟

諸葛武侯廟

岳武穆廟

晏公廟

蕭公廟

宋相公廟

利濟侯

東華洞仙

宮亭神

神樹

雪冤紀異

貞婦著靈

百老屯

劉兆元

曹銳

楊繼盛

王秋英

土神陰謹

屍蹶

周如砥

蕭觀察

陳夢璇

延安地飯

王立穀

楊鐸

沈壻鳥鳴

葦舟

朱大紱

婁東冥判

沈招遠

張耀采

神燈

郊城神誑

徐銘

豐縣逃鬼

邯鄲鬼

蔣國華

顧曠

朱之倚

郭基

張生

歌鬼

說鬼錄

豐沛鬼

黑龍潭神

城隍廟

松潘尺骸

嶽塔

子路

蔡元定

妖異

藏經志怪

魯汶

金龍邵氏

龍女

毛女

潼關老人

舟葉

龍眼怪

琵琶亭怪

關揚

妖履

贛榆妖

立志克

魯府童子

素娥詩

魚妖

徐氏妖

浮提國

宋氏烏巢

豕言

瘞孩復甦

雞子中魚

鵲啣兎馬

天書

象山妖異

陽武泣聲

雷神書

叢贊

沐英

徐達

李文忠

替身出家

翰林官

良鄉帶

御槍

多學

從征日記

僧道不衣綾羅

鎮海衛指揮

綠幘

徐呆廝

喪麻

學錄直講

六鰲縣候

南京不打五更

崖山紀功石刻

庫喝

乘馬石

知縣本貫

實錄

蘇松田額

張泌

蒲壽庚子孫

葉好文留犢

勅主簿

畬客

黃麟題聯

胭脂匠

外道留勅

偽夏陵宮

刑冕

尺

獲嘉麥秋

漕艘

潘陽三使日本

狀元母

御史乘駮

經筵

審錄

聲鐘

學魁

安南試錄

展書官

北狩

王越

董朴

楊志陳金坡稿

陸氏占產

端宏名官

應聲病

先輩書刺

武宗微行

朱氏書問

新城王氏

字說

原潔

林濟民

密箴

虎枕銘

余禕令箴

薛天華左戒右箴

易刻

張孟元

祠廣文



十老會

女飾

犒市

總督體統

雲南三天子

香稅

北新關稅

武廟賜詩

朝儀

行人司藏書

薩琦變俗

觀場儒士

古醋

酒

杜進

陳紫峰論學

陳祠仆像

劣考稱師

相國父不祠鄉賢

方太古

胡僖神助

詹傑

李宗道

藏金變石

三過鄖陽

王恩民棄妖書

盛端明同鄰

曾氏譜

慶成王百子悞

張太宰遊弟

故宦優免

嚴世蕃養子

總兵提知縣

駱文盛

張烈

張二郎辭官賞

金傑棄官

張承

孫思聰

東洋行縣

朝鮮募王元美汪伯玉

十友

田千秋葬像

海鹽烟火

汀人善舟

販海

王希周自刎

吳承恩報仇

汪在前

丁賓

錢若賡

梁邦瑞

立梅遣子婦

高儀尊師

陸樹聲

江陵票簿

劉臺

湯顯祖

禁殺牛

申其學

五國光

姚弘謨迎事生母

元輔家幹

海瑞

周天球

邵虎菴

續吳都文

吳稼登

嚴訥

楊春元

王述古笏記

陸平泉論風俗

彬州蒙裔

耿楚侗馮慕岡講學

林兆恩

祝世祿

朱中丞誤奏反詩

馮少墟會約

梅衡湘論友

朱氏世紀主司

趙御史論囚

郭達

蕭如薰杜文煥

盜俠

曇陽子

王世貞

司汝霖

文在茲

無賴妄奏

有司重聽

雙乳

徐大相論魯綬

許會元稿

梅花詩百首

趙文懿墓銘

張九德

虎入城

偶然詠

冥衣

榜豐縣

馮李詩人

卑稱

許令典

陳心得

臂紋

印綬放花

趙南星

魏廣微

陳長祚

汪文言

拈銅

黃尊素

銀錢分定

佞佛殊報

名刺

通家子弟

書法

茅筆

產異

朱國盛朱積遞誦

沈淮

熊廷弼

朱國祚

毛文龍

董應舉屯田

顧秉謙

樊良樞

箕仙

魏忠賢

黃如亨

余煌

天鑒錄

郭之琮

孫承宗

閻揭

先帝儉德

周彘

田弘遇

陸完學

周道登

綸命

張蘊

起居注

錢謙益

何吾騶

程國祥

虞山後輩

李長庚

傅冠

楊嗣昌

戎備

作文法

王思任

夢有字

武備

張次仲

心竅

周延儒再召

孫傳庭

曹文衡

阮正中陰德

白楹園石

科第陰德

吳培昌

熊開元

董象恒

兵疫

蝗蝨秀才

佛災

武塘詩

劉宗周不捐俸

借屍脫囚

收生婦

沈允臨書屏

陳美餐

王介人還妾

三區方畧

陸澄源刺黨

都諫娶娼

鄭芝龍

追封母后菩薩

錢幣

平沈何山詩

孝陵碑石

市廛

南內盜

清豐義士

梁州杰

陸員外贈妾東

江南邊聲

馬玉

薦侑

巡臺私從

誦經滅蝗

癸未選館

降級

訓儲

閱武

孝陵樹

後湖

陳際泰

凌駟

王漢

丹銀

金箔

時敏

吳之俊五議

顧錫疇

趙庚

獨足鳥

朱積離魂

修志

傭養

逸詩

誕日疏

人瑞

私謚

嘲錢牧齋

夢卜

硃墨預兆

排調

前定


同庚

內承運庫



朝鮮使臣夷人寫早朝詩

南曲



明 鹽官談遷樵木著

幽冥

東岳

博物志東岳主召人魂魄其始不過謂東岳屬木為魂蓋以五行象類言之耳非有他也昧者不之察遂謂人死魂皆歸東岳岳神將治其生時善惡而罪福之

文昌

俗云南斗注生北斗注死故以北斗為司命而文昌者斗魁戴匡六星之一也俗以魁故祠文昌以祈科第因其近斗也故亦稱文昌司命云傳會甚矣至以蜀梓潼神為文昌化身又可笑也五雜俎

梓潼神清河張戶老之子名亞字儒美周後七十三代世為大夫未嘗酷虐吏西晉末丁未歲二月三日生載化書廟在劍州梓潼縣

梓潼縣有善卷祠一曰惡子民歲上雷杆十枚歲盡不復見云雷公取去

三官

三官之名。古不經見。始見於張魯傳中。魯以三官教行于蜀之鶴鳴山。凡人有所祈禱。則書其事狀為三。一焚于山上。謂達于天官。一瘞于山下。謂達于地官。一沈于水中。謂達于水官。其祝日。以正月之望為上元節。祝天官。七月之望為中元節。祝地官。十月之朔。謂下元節。祝水官。後妄人撰為三官經。謂陸氏子娶龍女。生三子。俱有神通。一天官。一地官。一水官。

### 羅者洞

枝江縣西南羅者洞。即春秋羅子再遷之地。居民罔知。託以神怪。楚記

### 靈濟昭烈王廟

廣德州城西橫山有祠山廟。神吳興張勃也。一云武陵龍陽人。生西漢末。游茗雲之間。自長興之荆溪鑿河至廣德。功半道于橫山。人祝之。夫人李氏廟在州東二里。曰昭妃廟。

象山縣志。唐末忽有一石香爐立而附于人曰。吾姓莊名穆。祠山昭烈大帝也。當廟會此山。以福斯民。眾驚訝。教諭梁宗明。率眾立廟祀之。今日莊穆廟。噫。一祠山昭烈也。姓名互異如此。

崇善王陳瑱

錢塘臯亭山下為半山祠崇善王會稽陳瑱。晉時使卜斷臂不屈。卜壯而歸之。思仕四州。食邑會稽。葬臯亭山。有女弟避寇山洞。不欲乞食。絕粒死。屢有靈顯。或曰碧霞元君。碑云弘治時遣使祭之。穆宗禱祠茲山。

支明夫人

天台山東壁嶺。車支明夫人廟。周顯德二年建。神本婦人。曩嘗見怪。配以支明。龍王遂釋。

瘧使司

瘧鬼姓彭。兄弟三人。游于廣漠之野。古帝王裔也。凡運劣者。遇之輒病。病時直呼其名。即止。今太原郭守詢呼之有驗。作瘧使司記。

輪迴所

天啟乙丑。沁水故縣鎮蕭味道。疫死。再日甦。云冥司誤攝。司日輪迴所。其嫂變黃牛。其脅白。償何騰蛟穀八斗。尋嫂沒。何氏產犢。數月斃。售皮得穀八斗。

碧霞元君

漢明帝時。西王孫寧國奉符縣善士石某妻金氏。於中化元年甲子四月十八日子時生。名玉葉。貌端而性穎。三歲解人倫。七歲聞法。禮西王母。十四歲感母教入山。得曹仙長。指入天空山黃花洞脩道焉。天空蓋泰山洞。即石室處也。三年丹就。元精發而光顯。遂依于本山焉。

李諤瑤池記。黃帝建岱山嶽觀。嘗遣女七人。雲冠衣羽。修奉香火。以迎西崑崙。錄是考之。則玉女必黃帝遣七女中之脩而得仙者。後世因之祠于山。高誨玉女考。

嶽頂玉女池側。故有玉女神像。泉源壅濁。宋真宗東封。泉忽湧激。故祀之。馬端臨通考。又稗史。漢時仁聖帝前。有石琢金童玉女。至五代殿圯。石像仆。至唐童泐。玉女淪于地。至宋真宗封泰山。還次御帳。滌于池內。一石人浮出水面。出而滌之。玉女也。命有司祀之。封天仙玉女碧霞元君。後祠日加廣。

### 聖女祠

林縣東南三十里。下洹村聖女祠。相傳高歡之女。母嘗養病于此。母亡。其女三人願殉其葬。天彰其德。以為洹水神。每災害。禱之輒應。

### 玄武神

黃帝之子昌意娶蜀山氏女生高陽氏陶七河之津是為玄帝也役御百神召至雷電乘結元之車周旋八外鑄羽山銅為寶鼎以獻于神峰陶貞白與楊許諸仙往來親得其說而紀之朱和山安游

太和山巔真君殿殿可三口許俱銅質沃以黃金棟柱門屏題薈並具其像與四天兵皆銅精工踰土木

### 漢壽亭侯

江東刻關廟會文五十篇侯靈批評為序論文以抽發性靈為主陳明卿無歸安昆山關侯廟潘少保印江季剛建門額曰武安王廟殿額曰漢壽亭侯關公廟旁署羽書出鸞筆又題柱曰昭昭與日月爭光悠悠共乾坤不老

海鹽吳尚書中偉先任貴州學使公署前有侯祠以其障而徙之加閱麗焉已吳坐堂上有銀甲三人直入不為動俄子婦癩疾死第無如尚書何也沈太學世泊說云尚書面給者崇禎丙子二月朔流寇攻桐城下于關廟不利褫神衣斫其右臂及攻城斫者死焉賊

完像讖罪

壬午十一月十九日夜淄川翰林侍講孫之澥夢神禦北兵及兵至知縣史能仁巡

南門父老言神像汗如雨事聞于朝。

癸未正月朔河西務關廟僧夢神禦敵久馬生蟻虱求整刷驗之良然吾寧南門內關廟扁未了英雄出鸞筆。

丁亥正月三日仁和臨平鎮戍主寓東大橋之關廟久矣是日小卒忽作神語責數其罪戍主怖謝請修廟小卒素不知書至是手疏里人名醮建揭旗以募或書國號即裂之但書神號而已戍主因避他舍其事予友人目覩

### 周凱

東甌周凱吳晉間人時橫陽永寧安固三邑地皆斥鹵凱開導三江悉注於海因射箭退潮而浚民為立廟曰仁濟廟至今有司歲祭

### 雷廟

予友姚榮夫為高州幕官高去雷陽三百餘里自言親至其地見所謂雷公者為予言甚詳云其地雷聲特異雖時小殷屋瓦皆震如近在簷宇間者若迅雷必連擊數人雷之神曰陳文玉有廟甚威犯者必死廟門建二高標每欲發聲或享祭時必有紅白二鳥飛集標上怒氣勃然無不沮喪廟中人云廟後山有所窟也皆藏土中出



則行天。其言如此。蔡夫曰：一日郊行，忽數夫舁一物至，狀類豚，體有斑點，文間之曰：此所謂雷公也。俗謂之士豬兒，舁將何之？曰：往瘞之耳。董穀雷公傳。攷雷廟在雷州城西，南八里。陳大建二年，州民陳氏亡子，家畜異犬九耳，每獵卜其耳動多少，為所獲數。一日九耳皆動，既而獵得一卵，圍尺餘，捧歸舍，忽震雷劈開，得一兔，兩手有文，左曰：雷。右曰：州。及長名陳文玉，登第，為本州刺史。沒後，靈大著，州人祀之。自五代至國朝，皆加封，祈禱無不應。其名雷州，自唐貞觀元年，或曰城南十里許，有擊雷水，州因以名。

### 白眉神

教坊供白眉神，朔望用手帕針線刺神面，禱之甚謹，謂撒帕着人面，則或溺，不復他去。白眉神，即古洪涯先生也。花鎖志

### 李衛公廟

安吉州李衛公德裕廟。宋政和二年三月四日，廟中隕石云：歲豐之兆。熙寧甲寅，嘉定已卯，元泰定己丑，三月乙巳，明成化辛丑，八月甲辰，俱隕石。殿像無一損。州志

### 諸葛武侯廟

洛川縣諸葛武侯廟。規制闕麗。相傳宋曹武惠彬過之。以偏霸撤其廟。闕下石不可去。刻云。知吾心腹事。惟有宋曹彬。武惠神之下拜。丞嘗加虔。石置龕中。并祀武惠。又田者得複瓦。脩尺有一寸五分。博四寸。形如常瓦。獨兩層中空。枕之。值更輒鳴。怪而碎之。內篆孔明行軍枕字。徑寸。高平馮吏部養志時宰洛川。藏瓦之半。

### 岳武穆廟

山陰王方伯洋嘗過湯陰。勒詩岳祠中。意寓微諷。還里以示郡守蕭良久之。鄰人某被冥攝。見籍注方伯毀謗先賢。蕭良為証奪壽。亡子孫。墨書。其他善事。朱書也。鄰人驚晤。走語方伯。果然。乃改前詩。馳刻湯陰之祠。雖壽終。亡子。白洋朱氏說

嘉靖初。錢甯死。後魂游崔駙馬家。作聲曰。謀反非罪。許宸濠宴駕迎立。雖然數也。秦檜欲殺岳飛。不合助言。冥司問七次。凌遲。今三次矣。問在宋何人。不肯言。召天壇道士遣之去。王文祿庭闢述畧

### 晏公廟

晏真人。名北海。宋元祐時。晏坊人。牧牛至旗面山。遇二仙奕石上。侍閱良久。各授桃食之。後羽化。鄉人立真源堂奉焉。凡蝗蝻水旱。祈之有應。

歸化縣志

臨江府清江縣北三十里清江鎮晏戍仔宋初為文錦堂局長因疾歸登舟即尸解人以為神立廟祀之有靈異於江湖國朝封平浪侯按兩晏公今郡縣多祀晏公或清江晏氏耶

蕭公廟

新淦縣北四十里大洋洲人蕭伯軒宋咸淳間死為神立廟元朝以其子祥叔合祀本朝遣官諭祭永樂中其孫天任卒屢著靈異亦祀於此詔加封水府靈通廣濟顯

應英佐侯臨江府志

泰和蕭蘭芳歿鄉人奉為小神永樂中裔孫大任復以神顯啖白石一拳坐逝遺骸貯木桶中置廟東廡江湖榜人崇之太監鄭和下西洋奉神命封平浪侯烟霞夫英佑侯一人耳名籍互異如此曷從而訂之質叔向以臺駘問賈生於宣室當有其人敬識於末

宋相公廟

富陽縣紅山宋相公廟宋口甯宗時尚書棄官修道咸淳二年成神今其後人皆習

禳厭之術

利濟侯

金元七前元長洲民。世出一人。生有神助。專拯墊溺之患。年四十上下死。輒著靈異。今其地曰金家莊。陸采覽勝記談一曰有二子。痘夭。因願沒身為神。救危痘。七月七日赴周涇河死。顯□國初。金元七總營。萬曆初封專筦痘司。

東華洞仙

東華洞主人郭維貞。固始人。宋李隱莆田之壺公山。不仕元。杜門學道。因葬焉。其家奉一仙曰郭東華。極靈。後莆田周吉。崇禎庚辰進士。授懷甯令。左兵充斥。仙為書符籙。卻之。問後福。書云此人乃岳武中宮第七子降凡。日後有封侯之職。是仙能書畫。

宮亭神

宮亭神甚靈。有婢名如願。客有所求。叩如願即獲。又能于湖心分風。使上下各得順風。故劉剛詩云。回艫乘派水。舉棹逐分風。

神樹

正統二年六月乙亥。雲南晉寧州學正楊茂上言。城外塔墩有大樹。頗怪異。居人所

禱輒應。因號塔墩聖母。目曰神樹。永樂中。大風折其樹。軍人陳福海鋸以為板。內有神像。戴冠執簡。容貌如畫。人皆驚異。立祠以祀。加封號。上以淫祀非禮也。其止弗聽實錄。

### 雪冤紀異

祭酒汪偉曰。南台侍御。萃亭沈霽子公。正德戊寅。秋七月。奉命按視屯田於江北。未至全椒三里。縣人手訟牒。隨而訴者幾輩。君點數而目識之。既而失其一。詰諸左右。左右謾應曰。蓋講而散者也。至縣。座行臺。訴者入。沈見三人焉。隨宜處分之。末一人蓬首跣足。衣敝甚。乃道中所見而復失者。君問之。若何。許人應曰。全椒何名。曰。小羊。訟何事。曰。有冤也。有牒乎。曰。無有。沈叱之。使起。因忽不見。急索之。弗獲。然是時。亦君獨見之。而與之言。左右莫見也。君知為妖。大賊雨汗嘔痢交作。縣令孫贊入問疾。君語之。故因詢之。曰。縣中得無有冤乎。對曰。往年有顧景祥者。為其弟景原。景昭所害。及其子計兒。事適敗露。殆非是耶。意景下有。小祥字。半為羊耳。君疾隨亦良。已。遂竟其獄。則小羊者。景祥乳名也。豈不大異哉。

### 貞婦著靈

正德丁丑歲黃巖結訟者夜泊清風嶺下內數人妄議貞婦因誦詩詞以資謗讟即時風雨暴作舟覆而死續有褻冒者遂有奇禍見蔡潮重修清風祠記。

百老屯

正德十三年車駕出居庸關駐蹕有白鬚翁百人迎駕近則無所見因名屯曰百老劉兆元

上海劉兆元任懷慶推官卧疾見女子旁侍以家婢令取茗恍惚不見遂引告卒於家嘉靖間事。

曾銑

江都曾石塘銑諸生時構文苦思嘗步入叢塚間見岸鬼語河鬼曰若何時得脫曰明日菜傭代我矣石塘明旦候之果菜傭將浣足阻之夜聞鬼語曰本得代奈曾砍頭悞我。

楊繼盛

嘉靖戊午四月三殿灾人見楊椒山青巾縞服雙眸炯炯馮午門西角檻若指揮撲滅狀踰時方熄。

王秋英

嘉靖甲子。福清諸生韓夢雲。瘞石湖山遺骸。夜麗人至云。王秋英字澹容。楚人。元末從父官。值寇擾崖死。感德相就。輒數日一至。多吟詠。明年寒食祭墓。即出見。回歸生子。萬曆癸巳。以緣盡泣別。

土神陰譴

吾寧石井村某。怙訟。寓杭城十三彎巷。醉而洩土神祠前。已悔而禮謝。及訟勝。賽餼而醮。謂神費我。熬一札於爐。當訴汝城隍廟。蓋戲也。夜夢神曰。汝自褻自穢於我。何預即訴于城隍可也。汝狂悖。關公行撻汝二十矣。明發懼不出。晚巷見輦上人傳呼。過者避入酒肆。所懸牌。適觸之。墮輦上。怒之。逮酒家。悞及某。撻二十。則通判關世敬也。

屍蹶

洛川縣某死。戚屬夜侍。各假寐。屍忽蹶起。徧吸諸人口。其一驚走掩戶。屍追出。格於戶。相抵詰旦人集。嘆以犬血。屍始仆。不浹月。受吸者相繼沒。高平李養志吏部。說吏部壻見語。

海寧袁花鎮祝俊卿。父沒。宗戚方酌奠。屍忽躍起。諸人越日俱死。父尚在。孝廉朱近脩說。

周如砥

即墨周礪齋祭酒。少讀書。東郭精舍。舊有崇。公獨宿。不懼。夜忽一編衣少艾。立燈下。久之不去。叩以功名如券。且期末年一見。及卒之前歲。往往遙見之。

蕭觀察

江右蕭□□任浙江按察使。亡子。而覽其應嗣者。有戚友來候。徑三衢。其故嗣求附行。雖知其鬼。不能卻也。因入杭之官舍。出曰。大門見拒。乞楮錢若干。許之。見其隱鼓中。亡何蕭下世。嘉興沈德先主事。記其名。

陳夢璇

閩人陳夢璇。官粵東。江隘來舟。悞觸篙。工踣。想陳氏悍奴。遽推溺之行。里許。晴空忽晦。有神如雷公狀。立舟上。責奴曰。爾宿愆深矣。嘗一事善。得延喘。今枉溺人。難逭也。猝岸上灼死。舟人大怖。神又諭以亡恙。且曰。茲地許某善人也。可訪之。遂齋。夢璇如其言。訪許某。



延安地飯

萬歷壬辰修延安府城坎地多孟飯人啖之亡恙。

王立穀

萬歷戊午新淦令臨海王立穀入覲十月十八日宿荻港。二青衣夜攝至帝所。冕旒正坐。旁席二人侍衛。惺惺。主坐曰。爾丙辰八月命盡。今猶齋戒力也。爾何違之。示以簿。詳注年月。至丙辰八月而空。即下獄。在坐者起請勘其破戒後事。階兩巨麓俱隤。牘并平日戲筆在焉。各騰氣。青黑白赤不一。吏簡聚之。先青黑。次白。白聚而青黑色漸縮。次聚赤。則青色隱。黑色寢微。主座視赤者。所刻金剛般若好生編及社倉卷也。餘不盡見。主座曰。當損明延年。惺使扶目而寢。聞鷄鳴。家人守視不能舉目。即乞休。持誦戒。口日愈。王自有記。立穀丙午貢士

楊鐸

嘉興楊鐸。始萬歷壬午榜。俞廷讓也。登庚戌進士。任吉安司理。左遷。免歸。癸丑卧疾。夢冥召。懇以對門易鐸代。冥隸許之。亡何易鐸死。始大怖。調其喪而火之。亡何。易氏妻呼市中。謂我易鐸也。為楊氏借陷。今返魂無歸所矣。奈何。楊聞之。度不免。命髡縵以殮。

沈婿鳥鳴

海鹽沈某貧亡賴聽野鳥啁鳴各效之酷肖人因以侑酒有微賈挈之姑蘇偶鳴于線店中富子遣僮市線久不至訶之曰肆主聽人禽鳴故遲我我非遲也富人問所為禽鳴者述其狀亟召試之大悅留家監所有空舍素多鬼以寢之明旦未起家監抉戶入沈某猶斲也曰夜若白衣人謂盡以遺物相付家監大駭坎室中窖金俱鑄沈某及富人女名蓋富人亡子止一女遂以壻沈

葦舟

崇禎乙亥予館海鹽橫山張氏其邑寓李洪宇先年莫趨橫山中道有舟鼓幟而來求附載登之行里許心動亟登岸因足抵其舟半覆疑之遂他宿或曰此安得舟也旦往視登處則巫者縛葦為舟列鼓幟半覆者也李迄今亡恙李又云賊曹李恃勇亡賴嘗於西鹽倉擊私鹽者始而角已舟漸縮如鴨異之抱歸時婦暴卒移刻而甦問之云我登舟為惡少年所擄幸奪免也

朱大紱

崇禎庚午李水心司理嗣京預聞闈比舍郎同年郭夢言口於二十一夜同聞戶外

哭聲冤抑嗚嗚不能出諸口。明日搜朱大紱卷其表有鬼哭非無因語驚為異事。李自有記。

### 婁東冥判

太倉徐坤素齋誦崇禎癸酉六月二日夢攝冥府事百日。每夕鞫問。九月二十日事竣。刊有婁東冥判。

### 沈招遠

癸酉仁和沈招遠。桐鄉錢汝邁並麟經。出金華令項人龍之門。招遠力薄。寄徑錢氏。遂抑二佳卷於乙榜。其一忿死而招遠疾。嘗若對簿狀。寤而走錢氏曰。事發矣。第向詒兄。實千金附進。今被陰譴。兄坐累斥。弟與項師不可活也。明年果並沒。汝邁以他事除名。

### 張耀采

乙亥正月望日。□□□參政張耀采。卒於刑部獄中。甲戌是日。吏部考功員外郎弓省矩。自縊。適滿歲。耀采目見之。

### 神燈

巳卯正月念二夜神燈見海寧郭店鎮可二十刻。

郟城神誑

辛巳山東旱蝗郟城有神降曰七月二十二日水至八月望寇至及七月果水溢人因信寇至扶挈南走宿遷迄八月無恙。

徐銘

華亭徐銘口乃進士徐銘經之兄辛巳疾沒且殯忽開目曰異哉有陽必有陰云云口遂甦人問其故曰吾至冥司見來牒為公勾事後計開有罪犯人七名首陸彥章張侍郎龔次開應死平人口百口十口名身預焉名上書聖門弟子凡諸生皆然人名著某人子或著某人弟防悞攝也末名唐鉉亦華亭人時游關中從卒欲往卒主吏曰客死最重此人當沒於家寘俟之耳主吏冠服如驛宰狀銘口未幾下世唐鉉聞之不敢歸越口口還里果卒。包長明記

豐縣逃鬼

壬午北兵陷豐縣有二人被創狂奔或叩之曰城破以訴城隍神問神安在曰逃沛

縣時沛縣堅守。

邯鄲鬼

崇禎五年。流賊犯邯鄲。殺童祀神。後寃鬼宵啼。路鮮行人。或曰生畏賊死猶是也。以賊嚇之可止。後復啼。眾大呼曰。賊至矣。自是寂然。諺云。鬼怕惡人。豈其然歟。

蔣國華

江陰蔣國華。花塘里人。性質樸。先是天啟丙寅年二十六。夢青衣童子引謁城隍神。及岳相東平王。隨詣東嶽廟。地皆青碧。至今庚寅三月十八日。經蔣家橋。見大父呼之。赴冥司攝事。急歸浴而卧。土神促程。鬼卒披上馬。馬躍而醒。亡何仍往。經大城坊。曰幽冥橋。渡橋入東門。曰善慶關。福德門。至東嶽都相東平王府。曰都察司。入揖。至岳廟。即丙寅所見者。殿左右七十二司。造冊所曰監錄司。冊有六。曰善惡。曰生死。曰殺傷。曰無端。曰荒蕪。曰瘟疫。冊各四帙。每司造冊吏十二人。總管十二人。因朝帝。令覆冊。分詣各司。國華領左箱第十三憲察司。天下郡縣城隍神。俱金僕頭候門。冥官仍進賢冠青錦袍。冊書順治七年。國華派冊訖。因謁閻羅天子。命判官檢國華壽。尚二十一年。閻羅則宋韓魏公琦也。辭出。童子送之登舟。及岸而醒。二十日早。又見大父促冊期。二十七日入冥如期。二十八日。則荒蕪瘟疫無端三冊竣。江陰城隍神蔡

○奏縣重困不堪疫帝不許。又限生死善惡殺慘三冊。五月十一日竣。至二十九日復甦。五月朔又入冥。印度單在東平王處。名氏下詳疫狀印訖下城隍神。三日復甦。

### 顧曠

邑諸生顧曠住橫涇河。丙戌九月館陳氏。午倦憇攝入冥司。閱籍乃唐謝小娥後身也。其籍青函鈴印。詳載履歷近蹟十五歲不注。鑛原名義。年二十二。嘗蠲吳氏子錢。增歲一。明年諱女子某私事。增福一歲。又明年收糧。重其衡。減歲一。其增減類如此。凡不經意之事悉載焉。寤以語人甚詳。予別有記。

臨江府志謝小娥不知何許人。父為廣州兵官。部押金銀入京。攜家附舟過蕭灘二里許。遇賊被害。小娥溺水獲免。旦附魚舟而出行乞於市。後為鹽商李員外家傭。奴娥見其酒器皆父物。悟向盜。乃李也。心銜之。俟生日舉家酣醉。持刀盡殺之事。聞命以官不受。願為尼。乃建寺居之。即報恩寺是也。相國李紳有傳

### 朱之椅

東里朱之椅。同子補諸生。膺貢。訓導海鹽。丁亥十月卒。戊子十月降箕云。以八事見

錄。天曹成小神。問木咎。多奇中。今其家立祠。

郭基

金陵郭基無壞性。慧直崇禎戊寅。應試。句容有檄。以玉兔山司瘟廟。闕都總公代之。辭不往。檄者求暫允。徐往可也。試訖回家。語家人治後事而沒。是夕廟之鐘鼓有聲。示夢羽士。塑其像。

張生

仁和張生。口父玄。有家學。好牡丹亭。西樓夢等劇。館橋司鎮尹師東家。嘗外酒歸。聽擊竹聲。啟之。見艷女攜燈。相狎將曙。珍贈而別。生有詩。半庭新月青燈外。一種私情翠幙中。記其實也。後攷之。蓋越女停柩。其所贈皆殉具。

歌鬼

嘉興某生。月下清歌。忽後有和者。同調契洽。延之家飲。仍歌如初。夜分而寢。鷄鳴其人即去。不及別。又扣門詰之。曰。我實非人也。亂後如我輩甚多。今後毋宵行放歌。或妨他輩耳。

庚寅六月。或徵優於嘉興城。晚舟行二十里。抵舍。座客四集。演劇數闕。優覺寒色。有識上客。故編脩屠象美給事李毓新諸公者。俱前沒。駭之。亟振金鼓。則四無居人。乃

故相呂文懿公墓。庖鱉三四頭。尚懸松上。

說鬼錄

張真人家有說鬼錄。

豐沛鬼

丁酉夏秋間。豐沛蕭礪多鬼。衣冠雜途。中或相問答。語即引去。迷死聞者戒途。

黑龍潭神

張秋鎮北黑龍潭。其水深綠。有工人三。中夜聞呼聲云。某宅修偶門。先付銀五錢。可即往。乘月行。有二人先候之。及潭側。謂吾當挾汝勿碍也。正挾時。墮潭中。覺衣履不濡。宮室偉麗。引入後堂。脩輯掖門。有老人深目長鬚。布帽綠衣。出問之。各勞一金。凡半月畢工。又賚十錢。遣前二人送出。天明行人見三人卧沙上。語其家各挾歸。

城隍神

南京城隍神。孫策。北京城隍神。于謙。杭州城隍神。周新。

松潘尺骸

蕭山來憲副。云。松潘浚城隍。得人數千百。皆長一尺許。衣冠自三代以下皆具。



嶽婦

漢郊祀志。大山川有嶽山。小山川有嶽婦。山嶽而有婦。則嶽可以謂之婦翁矣。世俗之稱謂。未必不以是。又因嶽山而轉太山耳。晉元黃

子路

成化間。河內縣學居民。於文廟櫺星門內。及先師殿前。牧日聚其中。忽見一人。頰而黑。手持木器。怒而責之。即入殿中。隨視乃十哲中子路也。後其人竟疾不起。舊有碑記。今剝落不可讀。而斷碣尚存。夫以聖賢安侑之地。為愚民畜產之場。誠不得道其罪。然子路乃顯靈而朴之意。當時剛毅之氣。歷千百世未歇。而亦以見鬼神之英爽。不可褻也。夫敬而遠聖人訓之矣。河內縣志

太原高自卑。太學嘉靖十四年。知咸縣。嘗丁祭。齋宿。夜夢仲夫子。持戟入廟。受享臨祭。忽聞一主覆於龕。高曰。此必仲夫子主也。視之果然。一時咸驚。

蔡元定

建陽縣象岩山。蔡季通誦書處。堂曰顯慶。紹興辛巳。季通於堂中推演子孫世數。末有數終輪奐。猶有代御史尹仁為政。噓之句。成化丙申。巡按尹仁入閩。夜夢一老人

來見叩姓名。蔡元定也。至建陽訪蔡家譜。見顯慶堂推演詩。不覺竦然。即捐俸為建傳心堂。晉江蔡元偉曰。周子出則知數學者邵堯夫。朱子出則知數學者西山。山西諸生某。丁酉臨闈。其僕病。生初場出。病僕曰。主人且捷。我在場相周旋也。生未信。病僕言闈舍事。果不妄。次場亦知之。生曰。果捷。某人有女。吾當以配。若病僕曰。吾隸也。彼則溫室。何能誑之。生曰。果捷。吾力能得之。爾何虞焉。至末場出。病僕曰。主人除名矣。蓋望曰。天神考陰騭。謂主人設心惡。已更他人名也。果驗。

妖異

藏經志怪

廁之精名曰椅。夜青衣持白杖。知其名呼之者除。不知其名則死。又築室三年不居。其中有滿財。長二尺。見人則掩面。見之有福。又築室三年不居。其精名曰長七尺。見者有福。又築室三年不居。其中有小鬼。長三尺。見之則掩鼻。見之有福。又火之精名曰必方。狀如鳥。一足。以其名呼之則去。又木之精名鼓侯。狀如黑狗。無尾。可烹而食之。又千載木。其中有象。名曰賈誼。狀如豚。有兩頭。烹而食之。如狗肉味。又上有山林。下有川泉。地利之間生精。名曰必方。狀如鳥。長尾。此陰陽變化之所生。又玉之精名岱委。其狀如美女。夜青衣見之。以挑匕刺之。呼其名則得之。又金之精名曰倉塘。狀如豚。居人家。使人不宜妻。以其名呼之則去。又火之精名曰罔象。其狀如小鬼。赤目。黑色大耳。長爪。以索縛之。則可得。烹之吉。又故門之精名曰野。狀如侏儒。見之則拜。以其名呼之。宜飲食。又故澤之精名曰冕。其狀如蛇。一身兩頭。五采文。以其名呼之。

使取金銀。又故廢丘墓之精。名曰亡。狀如老役夫。衣青衣而操杵好舂。以其名呼之。使人宜未穀。又故道徑之精。名曰忌。如野人行歌。以其名呼之。使人不迷。又故車之精。名曰寧野。狀如韞車。見之傷人目。以其名呼之。不能傷人目。又在道之精。名曰作。器狀如文。善眩人。以其名呼之。則去。又故白之精。名曰意。狀如豚。以其名呼之。則去。又故井故淵之精。名曰觀。狀如美女。好吹簫。以其名呼之。則去。又絕水有金者。精名侯伯。狀如人。長五尺。五采衣。以其名呼之。則去。又臺屋之精。名曰兩貴。狀如赤狗。以其名呼之。使人目明。又左右有山石。水生其澗。水出流千載不絕。其精名曰善。狀如小兒。黑色。以其名呼之。使取飲食。又三軍所戰之精。名曰賓滿。其狀如人頭。無身。赤目見轉。以其名呼之。則去。又故水石之精。石慶忌。狀如人乘車。蓋一日馳千里。以其名呼之。則可使入水取魚。又丘墓之精。名曰狼鬼。善與人鬪不休。為桃弧棘矢羽以鷄羽射之。狼鬼化為飄風。脫履捉之。不能化也。又故市之精。名曰問。其狀如囹。而無手足。以其名呼之。則去。又山之精。名曰憂。狀如鼓。以其名呼之。則去。又夜見堂下有兒。披髮走。物惡之名曰滑。以其名呼之。則死咎。又百歲狼化為人。女曰智女。狀如美女。坐道旁。告丈夫曰。我無父母兄弟。若丈夫娶其妻。經年而食人。以其名呼之。則逃走。

去。又故溷之精。名曰卑。狀如美女而持鏡。呼之。知魂則去。

### 魯汶

全椒魯汶。髻年讀書於學宮。東廡夜有美姝。喚開門。汶用劍斬姝。迺松樹下。後發藏視之。乃斃狐也。後膺貢。任萬年主簿。鋤強扶弱。卓有政績。全椒縣志

### 金龍邵氏

嘉靖初。盱眙縣石壩集邵氏。嘗有妖竊甕水。每伺之不得。一日晨起。見中雷火光。燁燁欲騰而上。主人以田器擊之。鏗然墜地有聲。視之。金龍首大於五斗釜。乃驚愕。急以布數十裹而瘞之。禱神畢。出之。赤金也。其身尾俱銅錢。其家今富。盱眙縣志

### 龍女

海寧許村。南五里龍王塘。初有女汲於河。得浮卵。吞之。因娠。仍生卵。棄之。化為龍去。復時候其母。留龍鬚為筆。遇旱以筆書符。投龍王潭中。其符浮于臨平山之巔。立雨。後令君取其筆。遂絕響。

### 毛女

袁州萍鄉縣。東五里毛仙山。昔有人過此山。逢一人徧體有毛。言詞異常。後不復見。

宋朱晦翁嘗問驛吏云。狐魅所為。遂題詩云。人言毛女住青冥。散髮吹簫夜夜聲。却有游童解端的。向儂說是野狐精。

### 潼關老人

潼關兵巡道署。制頗宏壯。後牆叢篁茂密。嘗有老人。深衣博帶。出與人交語。人不為異。嘉靖中。南充王南岷廷口任其地。一日呼入書室。語以爾既出見人。若非精靈。必係神怪。知我未來事乎。答曰。公名位在某架第幾冊書內。公檢視之。則浚川王公廷相集也。公異之。乃遷署潼水西。以其地為察院。其年洪水堂宇漂盡。無復叢篁。異不復見。王公果總憲。朱明虹說

### 舟葉

廣西宋君佐署當陽縣學。云沙洋市人。偶見水中一舟。載人遠來。可二三十。登岸則舟乃大荷葉也。人方駭之。而舟人至。一大家求食。與錢不應。毀瓦畫墁。與之角。則自殘其體。其人終不能傷。遂沿門擾之。官府亦無如之何。月餘。不知所往。承天府志

### 龍眼怪

秀水屠憲副叔方。孝廉時。見二鬮體流內室。侍女皆怖。屠躍起。執之為龍眼核。借州

嘉興沈昭明德宿九江之琵琶亭。午月浸空。同輩五六十人有眇丈夫。掘衣露臂。徧印諸人之面。惟不及孝廉明經。沈手拒之。覺腥滑。次夜衷刀以待。越再宿。刀中其臂。血流奔岸。亡何。面印諸人皆瘡。

關揚

大同公館相傳有祟。使客多寓外舍。縣令關揚不信。夜列卒。熱炬迨夜分。一婦步月階下。關叱曰。果冤乎哉。宜訴我。婦忽自空入。縞衣領緣間。簇針如蠅。炬頓滅。僅焚一蠟。婦逡巡欲前。遽麾之。即隱。關就寢。席為針刺。屢拂如故。起移床。而壁間紙動。揭之。則複壁也。關引刀秉炬而入。有物相撲。刀舉炬熄。旦見白狐死壁下。

妖履

桐鄉嚴簡津。讀書茗上。深夜獨坐。有麗人扣戶。入之。詰所自。云宅眷也。嚴疑其祟。凝坐至漏盡始去。明日告歸。抵舍。夜夢麗人。貽以弓履。果得之枕上。雙繡紅灼。嘗出之示客。

贛榆妖

吳興朱口司理淮安署翰榆縣事。著夜命僮摩足。俄若針刺。視之非僮也。少婦也。伴任之。且摩且寐。刺漸深。醒又僮也。仍寐。且叢刺。驚起。又老婦也。朱命燭。又叢刺。怒甚。見老婦入壁。破其壁。老婦立自如。朱折几撞之。相格鬪。稍倦。妖倚牆而立。朱舉椅抵妖于牆。不可脫。僮刃其背。白毳如絨。蓋狐孽也。

### 立志充

山西懷來道右布政諸城立志充。公署有樓多崇。閉久矣。立特登之。積塵累寸。其妖冠進賢。服金緋。凡六七人。或排衙鼓吹。或宴樂。如此不一。嘗簡立稱都臺。其墨淡。留數日。字滅。立計迫。縱射之。妖拍案笑。接其矢。乃縱獵犬。發銃斃數十人。冠緋者預焉。妖雖絕而立以通賄。營開府事。泄下詔獄棄市。

### 魯府童子

崇禎癸酉夏。日魯世子以泳。忽見一童。南警藍衣。朱履行日中。杳不見影。世子急尾之。忽歧為二。相盼即失之。邑人吳大行本泰。使魯府有詩。

### 素娥詩

長安鎮人某。讀書臨平山中。晝直歌。夜作歌。支琵琶詩。今編不已。我高麗即早詢之。



曰素娥留坐數其佳詠某媿謝求和素娥朗吟曰敬側雲鬟尚帶羞聲聲猶唱八甘  
州歌來無力眉常斂彈到傷心指半柔腸斷花前絲續怨魂銷月下夢陪愁惹人無  
賴輕歸去今夜誰能伴錦裯某戲請伴笑許之拉往其處室具俱白宿數夕送之曰  
如念我可時至也某自此詩思日進秘不示人

趙昌  
齡說

### 魚妖

湖州烏程董威故尚書份之裔蒼頭某頗饒庚寅夏有物空中求飲食違則見禍懼  
而享之則黑氣如雲飲嚙甚壯屢索不已某以告威威亂後好養生家言禳以羽士  
俄擲磚石詬怒而洞庭山隱士施亮口生有道行召治之雖遁而不絕某乃訴之城  
隍神詬怒如故威言於烏程令劉璽口清執最有聲遂齋沐告城隍曰陰陽各有所  
司何得縱妖擾民妖月餘來云我求食無大罪今城隍釋我矣爾其奈我乎威因檢  
道藏有曰凡妖魅為符咒所不及治者製桃弓柳箭伺其至射之如其法始絕蓋太  
湖魚妖也

### 徐氏妖

邑諸生徐仁振故太守伯徵子家西鄉庚寅七月朔步庭除拾書曰歲在戊子仲秋

月中秋夜予坐書齋見月缺紗窗玩賞無已幾無何不覺困憊為睡魔纏擾夢至徐似翁家直入新樓下見其室燦爛徘徊久之少選主人出叙論握手揖我與坐主人東向坐予西向坐相與道賓主之誼甚懽主人因言曰予宅非凡地下有玉鯉魚金鱗而赤尾其泉直通大海予先君以為善卜居於此予聞主人言方且驚且異且信且疑俄而地裂有魚出焉化為黃龍而去是時予駭甚始信其言之不誣忽聞戶外喧然猛然而至詢之則諸公子射也予亦起入人叢視決勝負但見諸兒操弓挾矢其仲子連發十矢合式者三焉旁有鳴鑼者七聲緩三聲亟於是諸賓客親鄰觀者蓋如堵云懽笑倍常予亦驚覺已月轉中庭矣特予自思之予之與似翁素無相識且不通姓氏無故而遇我以寤寐豈其後予與似翁終非陌路而姑於今日天作之合耶抑予之後有興者而姑借似翁示顯應耶否則似翁家之事無關于予予何故而得此南柯一夢也予亦不詢其事之有無姑記以為後日之驗應思發矢之人似翁太守號也仁振以呈太守謂黃龍句慮禡燬之弟誼振手錄焉是月十三日誼振卒或龍飛去十矢三中其兆云而妖記特奇從太守壻吳口口寄示者

海外浮提國其人皆飛仙好游行天下至其地能言土人之言服其服食其食極意  
與人同樂欲返國頃刻可萬里萬歷間葉侍御按江西有司言市上一羣狂客善黃  
白極飲娛樂市物甚侈多取珠玉綺繒償之過其直滿用金錢不甚惜及抵暮忽不  
見詰其逆旅衣囊俱無有請大索侍御不許召至前果能江右土語手持一石如水  
晶可七寸許舉之案上上下前後物物入鏡中照極毛芥又持一金鏤小函中有經  
卷烏楮綠字如般若語覽畢則字飛願獻此二者侍御却而遣之明日遂不復見

沈長水  
先生集

### 宋氏烏巢

蘭溪山何宋氏烏巢於樟其鳴似云何相傳樹應越州有男子採巢得千金謂越州  
者紹興也因賈紹興投逆旅解裝飯于市且縱步忘逆旅姓氏失其處僅腰微貲而  
返則烏啼如初仍探之得大鏹五十金上有字此金贈與送金人男子又持往紹興  
隔年餘矣值舊逆旅出其故囊男子曰此天以賜若吾自有五十金也備道其事締  
好致富

首行疑  
有誤

### 豕言

仁和橋司鎮村人畜豕將召屠令妻飼其餘豕忽聞人語聲察之一作徽人音一作蕭山音一作松江音妻驚卻告其夫夫走聽果然其家亦亡恙

### 瘞孩復甦

澤州原天順八歲被市人毆死訟官驗瘞數日有狼啣出仍活

### 鷄子中魚

嘉興項氏口家剖鷄子中有魚躍於地忽不見

### 鵲啣兒馬

雲南黑井鹽課提舉司竈三百五十三丁每丁帶耗費月納銀三兩八錢一分九厘司官婪甚每丁加一兒馬重三錢一分八厘上官不問萬歷六年新安汪雲秀來提舉如前例忽一鵲啣兒馬飛去復置一馬又啣去雲秀懼而欲裁之僚吏不可因循半載事發抵罪

### 天書

崇禎丙子西安縣人王氏忽雷雨中偶觸產室雷雨遂霽階上有天書二子不孝他日重治八字似行書徑二尺餘似以積沙成之滌不能去頃之自滅

嘉靖三十七年三月有妖崇六人。一老嫗。四為媳。一為女。至邑之梁氏托宿。舉家俱無所見。惟一幼子婦。見而逐之。相與叙禮。延入內室。問答唧唧有聲。供茶畢。婦啟曰。尊客宅居何處。老嫗答曰。家居不遠。世與宅上有舊戚。今歲各當遣女翁。往嘉蘇買物。家之主。特來相倚。婦唯唯備告於姑。姑疑婦為祟所惑。具牲醴賽之。老嫗等怒責之曰。事急依人。吾非鬼崇為禍者。何以生物食我。令婦熱而進之。盤盂盡空。夜邀婦同宿。無異生人。如此者半月餘。始去。既而人詰其婦。云老嫗雖耄而容儀脩潔不凡。其婦女數人。則世間所絕見者。竟不知其為何怪云。

隆慶二年九月五日申時。有紅鷹將葉明家十歲兒。自東門攫至天宇號觀風亭上。其父急禱趙元帥。奔追獲歸。及詢其故。兒荷趙元帥鐵簡擊鷹。始得活。

萬歷三十年五月二十二日。縣城中妙華堂。忽有異人。胸背各懸一鏡。手執紅棍。肩負紅袱。兒童爭視之。遂化青煙而去。以上俱象山縣志

陽武泣聲

嘉靖三十二年三月。陽武縣西北門外。白晝無人。聞有如悲泣狀。凡三日。時云鬼哭。

是歲河溢其旁屬壇衝漂朽棺枯骨不計其數

陽武縣志

### 雷神書

萬歷十五年六月獲嘉辛豐里人王好仁妻帥氏抱兒乳哺忽雷震死所存僅皮骨齒輒消盡兒無恙也皮有雷神書二行鄉人莫識。

明 鹽官談遷孺木者

叢贊

沐英

沐英。祖籍饒州樂平縣。李姓。先墓在大汾潭。洪武二十八年。沐春乞遣將代鎮。親詣樂平致祭。八月進封春黔國公。不許擅離。

蘭溪金訓導。口口云。沐英。祖徽州績溪人。專掉舟。歲莫。值地師失路求渡。因問其淪落狀。閔之。留于家。春初雪。地師偶步。奇其地。歸問沐氏曰。此族人某山也。若得之。易耳。吾屋三間。彼欲之。索直三百金。故不果。如售屋。則山歸我矣。於是成券。果得山。且為擇葬。囑曰。行當有大禍。願不發也。尋爭渡。斃人。戍定遠。

徐達

徐中山。祖墓在豐城。同曹水。南向。曰二八居士墓。

中山王墓。在鍾山。不封土。云細竹下。即是。像白皙而厚。面目不甚雄偉。

李文忠

李岐陽墓規制遜於中山石馬一存其左蔓草間尚未畢工

### 替身出家

本朝自太子諸王降生俱剃度幼童替身出家不知何所緣起意者沿故元遺俗也

野獲編

### 翰林官

翰林叙銜在官下元時即然他官品在官上詞林稱閣臣堂翁老先生閣臣不論首次俱綬掌院不綬翰林學士班僉都御史上出道雙棍值政府不避講讀學士班僉都御史下祭酒上日講官軟靴短衣便於洪對展書官短衣跣御案西大司禮立案左先展書以案高展書官不便也

### 良鄉帶

京官俱繡服惟行人司在京青素角帶出至良鄉易補服銀帶號良鄉帶

### 御槍

高皇帝御槍二藏南京午門樓上大者幾盈握脩可丈六尺小者脩殺四之一圍殺亦如之蓋馬梢也



多學

平涼華亭縣多學。洪武間監察御史巡按山東。其子孫改為黨氏。

從征日記

巢縣俞通。初以親軍宿衛。出入行間。終鞏昌衛指揮使。世襲。年六十二。著從征日記四帙。藏於家。未刻。述國初事。異於常聞。山陰朱燮元備兵隴右。得錄本。今佚。

僧道不衣綾羅

洪武二十八年正月。校尉賴謙見神樂觀道士陳丑。道衣青紵絲襖子。在街上執之。以僧道止許穿紬絹。不許穿綾羅也。有旨以神樂觀樂舞生釋之。予兩匹官絹壓驚。

鎮海衛指揮

常遇春幕客上官。專掌書記。遇春薨。上思及上官氏。召其二子入。分姓上。授鎮海衛指揮官。授山西衛指揮。

又常遇春紅旗千總薛。從征陳友諒。以三百人受圍。上高望救出之。薛首已隕。猶執紅旗不仆。上拍其背曰。好兒子。甚苦。始作。常熟許子洽記

蒲壽庚子孫

太祖禁泉人蒲壽庚子孫。世不得齒於士。蓋罪其先世。尊元傾宋也。宋端宗至泉州。招撫使蒲壽庚來謁。張世傑分淮兵二千五百人。命壽庚將海舟以從。壽庚閉城門拒命。與州司馬田真子。上表降元。帝遂如潮州。

### 綠幘

蔡邕獨斷云。漢武帝幸館陶公主家。召見董偃。偃着青繡綠幘。按明制。綠幘最賤。係教坊人所戴。或董偃本賣珠。勉從其賤也。

### 葉好文留犢

洪武五年。山西葉好文。任交河令。治行為時第一。升知定州。初以一牛駕車。抵任後。產一犢。比去任。留犢與民。

### 徐呆廝

洪武間。指揮徐呆廝。出兵河套。地名梧桐樹。一日午間。有大星墜於河中。火發延岸上。營中軍有傷者。後徐氏父子以事被誅。果徐氏獨應之也。抑別有所應而不知耶。

### 勅主簿

洪武十一年。三月二十九日。勅開喜縣主簿。即白洋曰。縣屬府州。於民為切近。公得

上循國法下悉民情長於撫字者以任佐貳之職神伯祥今授將仕郎平陽府解州  
聞喜縣主簿爾尚恪盡乃心使政平訟理民安物阜斯為稱職矣爾其懋哉

喪麻

喪服用麻布取其賤惡古未有棉布也棉布始自漢北方麻布貴棉布賤又喪家雖  
隆冬必以麻非禮也

畬客

盤鉢之餘錯處於虔漳潮之間以盤藍雷為姓汀人呼為籓藍羹籓藍羹汀人稱之  
曰畬客

學錄直講

國初上幸太學學錄象山應元徵進講大學平天下章賜錦衣白金

黃麟題聯

日月光天德山河壯帝居相傳解學士題殿門者非也洪武中莆田黃麟伯厚以文  
學薦對大廷稱旨賜第一人授翰林應奉冬至祀園丘御制門聯云大明日月光天  
德洪武山河壯帝居麟伴狂踴仆之上怒麟奏曰此陳後主句天朝效之不既羞

乎。上曰爾便易之。麟口占曰。乾坤一統歸洪武。日月雙輪照大明。上稱善。

六鰲縣悞

俞憲登科考。弘治己未科。三甲進士。林文煥。福建六鰲縣人。按漳浦縣二十三都。立鎮海衛。轄陸鰲。立鐘銅山三千戶所。則縣字悞也。又海寧縣志。永樂十二年。貢生沈常。銅灑縣丞。今銅灑縣無考。

胭脂匠

宋元來胭脂匠。其法黃蠟火化注水中。澄數次。絕無渣滓。方用。遠近無能造者。日貨十數金。後為僕人傳方。始廣有焉。安陽張氏風範

南京不打五更

宋時大內五更絕。柶鼓徧作。謂之蝦蟆更。以禁開而百官入。所謂六更也。明初。南京不打五更云。太祖常夢人求還地。許之五更頭。遂遲其刻。

外道留勅

往時布按二司。如提學備兵屯鹽分守分巡。俱不繳勅。得傳其子孫。近例。事竣始繳。

見郭子章蜀草。

崖山紀功石刻

元張弘範崖山紀功石刻題滅宋年月。明廣州守閩縣林洋改刻曰宋太傅樞密院使張世傑死節於此。

成化中廣東提學僉事晉江趙瑤詩。忍奪中華與外夷。乾坤回首不勝悲。鐫功勒石張弘範不是胡兒是漢兒。

偽夏陵宮

寧夏賀蘭山之東。數家纍纍然。即偽夏所謂嘉裕諸陵是也。其制度倣鞏縣宋陵而作。人有掘之者。無物。

賀蘭山崖壁險峭。延亘五百餘里。上有顏寺百餘。并夏人故宮遺址。自來為居人畝獵樵牧之場。弘治八年始禁之。以上俱寧夏鎮志

寧夏鎮大城。宋景德間趙德明內附。遷興州。即今城也。周十八里。高三丈六尺。池深二丈。廣十丈。城樓六角。樓四。壯麗雄偉。可容千人。韋州在靈州城南四十里。蠡山在城西二十里。

庫喝

延安宜川縣西北川南為漢北為蕃。蕃通漢人以香火為庫喝。

### 邢冕

新野邢冕。洪武初進士。除江甯主簿。勵志清苦。婦張氏躬執杵爨。太祖微行至其宅。親見。翌日朝。召冕出班加賞。因開其軍伍。

### 乘馬石

北人門外俱列乘馬石。戰國策。趙武靈王云。踐石以上者。今同。

### 尺

周一尺。當今浙尺八寸。當織染所。欽降金星牙尺六寸四分。

### 知縣本貫

金華府志。永康知縣。呂兼明。呂文燧。俱本縣人。仙居縣志。洪武四年。邑人任繼先。除仙居知縣。時法令嚴峻。繼先畏之。六年。歸隱於下黃。其教職任本貫。頗多。不載。

### 獲嘉麥秋

獲嘉縣。麥秋時。男子樵麥中野。以網包盛之。毋論鄉城婦女。及鄰境老幼。率尾樵者。後競拾遺穗。多獲者至斗計。莫禁也。獨從網包中探取。謂之包包。即甚少。立見碎語。

此大有古風蓋詩人所謂寡婦之利者此也

實錄

高廟實錄一百八十四卷諸臣列傳特詳。

文廟實錄一百三十卷載諸臣字里科甲轉歷如由狀略見其為文善者無大褒惡者無深貶而勸懲之意亡。

漕艘

相傳國初漕艘太祖命焚其一秤得鐵釘若干按宋許元初為發運判官舟多報破釘鞠之數蓋陷於木中不得稱盤故可以為奸一日元至舡場命拽新造之舟縱火焚之火過取其釘鞠稱之比所破財十分之一自是立為定額。

蘇松田額

蘇州各屬田土九萬二千九百五十九頃五十畝五分三厘秋糧米二百三萬八千三百二十三石五升一石七勺松江各屬田土四萬二千四百七十七頃二畝三分八厘秋糧米九十三萬九千二百二十六石二斗三升二合七勺。

潘陽三使日本

浦城潘陽三使日本。永樂中以行人出使日本。回獻德化書。永樂大典成。陞禮部郎中。轉鴻臚少卿。再使日本。還陞江西叅政。落職。洪熙初。起南兵部主事。宣德間。復除鴻臚少卿。復使日本。

張泌

永樂初。光祿寺卿。潁州張泌。最被寵遇。清江彭銘以畫名。上命繪泌像。開面方。具亟命。取視之。賞其肖似。首肯至再。今其家藏有賜像。并角端圖。潁州志

狀元母

馬鐸母卓氏。李騏嫡母葉氏。先亡。繼母黃氏。俱封安人。

御史乘騾

舊制。御史陸路止乘騾。宣德十年。九月壬辰。行在兵科給事中朱純言。巡按邊方。或遇警。與總兵鎮守等官會議。不免遲悞。乞予馬匹。以便其行。從之。

經筵

凡天子初御經筵。例閣臣二員進講。並大學首章。或易或尚書之首條。

番錄



凡內臣曾奉命審錄者。基輒畫壁寫像。南向法司堂。官隅侍御史與曹郎引囚聽訊。以為榮觀。

### 聲鐘

本朝。帝后初喪。每寺各聲鐘三萬杵。

### 學魁

凡儒學輒書魁字。廬陵縣學明倫堂前。刻宋文天祥所書魁字。方廣丈餘。

### 安南試錄

安南試錄四場。制義論策詩賦。

### 展書官

程伊川先生論經筵第三劄子。貼黃竊聞講官在御案旁。以手指書。所以不坐。欲乞遣一人指書。講官稍遠。御案坐講。按本朝經筵日講。俱有展書官。又司禮監內臣持牙籤指講處。

### 北狩

大同曹安家有巨几一座。英宗北狩。還時所御也。昇此至陽和。總兵曹安易以輿留。

凡於家

王越

涪城威寧伯王越。父邑掾也。年七八歲。值縣丁祭。籠兔者因窺兔。兔逸。時越稱神童。縣官責以詩。矢口曰。我今放汝上廣寒。慎弗遺跡。到人間。慙慙寄與嫦娥信。丹桂留枝待我攀。

鄆縣屠中丞大山。子本峻。作中丞年譜。某月日。訪故威寧伯王越於山中。即日遁去。夫襄毅計聞。遣餘姚王伯安治葬。今日。蟬蛻羽化。雖未及赤松。視韓擒虎之為闔羅多矣。聞襄毅薨後。或遇之於太山。後其孫往太山。迹之。晚遇老人。指曰。去此不遠。從燈竿下往可也。望燈燭蹶良久。夜半抵家矣。則向之老人。蓋即襄毅也。

萬歷中。醒神翁說王越。又天啟初。方士說羅洪先。燕齊怪誕之習。豈足信乎。崇禎時。術者某游燕齊。有壯色。捧茗甌者。子也。反白首。謂不好道。易老。或伺之。則白首者。父耳。

董朴

麻城董員齋朴。少魯鈍。日不能數行。鄰人皆之。語其父曰。郎君不慧。奈何。苦之。員不

麻城王相齋少魯錢曰不能數行鄰人惜之語其父曰即君不慧奈何苦之曷不  
令牧耶父愈之命工畫牧豎於座右苦志力學比長而慧登成化甲辰進士終江西  
布政司口叅政

### 楊志陳金坡稿

鄞縣楊文懿志陳金坡稿中無錫華孺人墓表口誌又言孺人平時其族謂孺人之  
行備矣蓋節以一惠而以賢孝稱之於是誌之書題與為傳者皆如之獨予不能從  
蓋節以一惠者周人之諡法也在禮生無爵則死無諡爵則大夫是也魯莊公誅縣  
賁父檀弓載之曰士之有誄自此始記失禮之由也後世士而私諡若陳文範陶靖  
節君子猶或議之而況婦人乎婦人從夫之爵而已諡惟后夫人得之雖大夫之妻  
未聞有諡而況士民之婦乎然則族稱婦人而節以一惠過矣宜予之不從也

### 陸氏占產

鄞人張瑄總督漕運時常席卧郵舍語侍吏曰若等有異聞乎吏曰里中陸氏奸而  
構侵其鄰鄭氏盡其產撤其居立園宅所餘惟嘉樹一本陸氏晚得子而嗜數歲游  
於庭忽指樹曰樹乎爾猶在耶家人大驚已而復啞不語間誘之不出聲稍長荒淫  
戲傲靡所不為家罄乃死

張文定環  
碧堂集

端宏名宦

當塗端廷赦巡按兩浙其大父宏故浙左轄諸生議舉名宦杭州守婁志德曰此厚道也願其孫將以巡方至而吾儕舉之如公論何行俟去後圖之及去竟寢杭州府志崇禎丁丑閩縣陳璵守嘉興其大父日休以貢士司諭海甯在萬歷初事遠聲香諸生追祠之名宦此與端宏事正類時無婁守見古今人相去多矣又天啓中潘汝禎撫浙潘舊令瑞安及瑞安令來謁問吾舊祠何如令出不意強對曰小民感佩廟貌日虔出語人曰舊祠不知在何所今惟有重創耳

應聲病

弘治間杭人裴師召頗有文行一日腹語事頗驗師召恥之數月不出遇山東人言其實其人曰向病此求死道見異草即拾之忽值一草腹語之勿食吾竟吞之物即洞下而愈遂覓草得之南高峰將食果腹止之食刻許腹雷鳴下大虫如矢狀如蛇

疾良已

杭州府志

馮蓋齋給諫每發言腹中輒有聲應之遂告病卜居南京楊守極用小藍煎水飲之

即吐其虫銜轆

弘治間邑人祝虛齋等以主事佐治吳淞水利華亭侍郎顧清來刺云辱與顧清拜單刺博二寸縱四寸字大如指微黃有花影又虛齋寄人書亦黃折柬式如前面有花紋二事並目覩又嘉靖間許給事相卿寄弟書直名十弟相卿

武宗微行

應天金明府應祥家長千里武宗南巡值迎春日微行見其家大樹集鳥突入而彈之諸臣皆微服以從

朱氏書問

寶應朱氏家乘有書問錄載正嘉間友人所遺凌谿射陂兩先生書稱號連牘不作零粟如楊一清自名石淙病叟一清拜并之先生道契蓋先輩也景前溪司成竟稱賜頓首凌溪先生年大執事今薦紳通問名刺尺牘外又有駢啟萬歷末駢啟外又小啟其詞畧簡凡三副楮一全簡浮飾之極士大夫專覓人供應如百函並發劉穆之直當疲死何暇理他務耶

新城王氏

山東新城王氏先世有王叟與其嫗力田稍自給有貧措大夜盜其廩扼其吭而燭之故某齋長也憐之曰勉旃勉旃吾夫婦終不暴君之短因出黃梁與之人無知也新城王氏上世祖鰥居一日天大晦冥良久既霽於塵壑中得一好女子年十八九云外國人也乘車遇風忽然飄墜遂為夫婦今王氏百年科名貴盛無比

謝肇淛五雜俎

金史有國子學齋長子少時猶見廣文呼廩生曰齋長

### 字說

嘉靖前諸公文集多有某人字說蓋猶行冠禮也故以字重其後雖淵儒碩學見之字說者寥寥古道陵夷亦其一端

### 原潔

昨城原潔成化辛丑進士歷官戶部郎中督餉大同以羨餘還所司忌者以藥瘖其音因致仕蔬布以終

### 林濟民

汝陽林濟民弱冠時母病篤命娶婦入門而母卒濟民哀毀逾禮葬廬於墓服闋始合卷鄉里稱之成化丙午鄉薦授諭堂浦以身率人世績諭知縣

晉江蔡清密箴欲為一世經綸事止熟數篇緊要書口格天之功興於衽席溺身之悔誤於詞章

虎枕銘

江西左布政使岳池馮訓正德二年進士嘗任興化知府作虎枕銘太守抵方壺適多警虎三日兩授首鼠狗足評乎太守徵其方之將請裁體作枕而寢其鞞銘曰非爾體吾何枕非爾鞞吾何寢起視海岱吾安吾朕舛疑

余禕令箴

鄱陽余禕正德口口貢士任清流知縣陞建寧府同知尋卒清流人立去思碑於東門其作令箴曰先王制爵子男同位嬴秦變法縣邑是設千室其民百里其地上應天皇下分王治孔門稱口路勇求藝漢室傳賢循良豈弟卓彼先覺猶或難之抑余何人而忝職斯坐堂鳴琴盛德無為德既不足勞瘁奚辭片言折獄至明所推明既不逮詳慎是宜撫字之實惻怛至誠赫赫洋洋得非虛聲

薛天華左戒右箴

廣東右布政使晉江薛天華作左戒曰。毋通要路書。以務養節。則俯仰不瀆。毋預塵  
紛事。以務養寂。則外內不擾。毋徇末俗態。以務養高。則志行不羞。毋受非禮餽。以務  
養廉。則彼已不失。毋妄結賓從。以務養交。則戚黨不棄。而善黨集。毋苟出言語。以務  
養德。則靜操不爽。而口過息。毋逐戀嗜好。以務養神。則和悅不伐。而天氣全。毋厭薄  
遲鈍。以務養量。則機心不熾。而真性得。毋譏訕世短。以務養福。則不歧人以見直。而  
鬼責消。毋虛邀時譽。以務養誠。則不恕己以見賢。而潛德進。毋妬嫉雋能。以務養才。  
則不設阱以誣善。而有獎藉之功。毋欣羨汰靡。以務養嗇。則不競侈以蠹俗。而有由  
禮之漸。作右箴曰。遇暴上。思以禮臨之。則不可犯。臨頑民。思以仁悟之。則不可仇。御  
羣小。思以嚴遠之。則不起侮。統列屬。思以正率之。則不傷威。察友有過。思隱規而公  
掩之。則忠不失厚。庶民有議。思脩靜而密弭之。則謗不至叢。受纖介之私。思以欺君  
為懼。則勤公益。至叨一分之祿。思以報主為心。則舉職益謹。怨者人所易慍。思精白  
以任之。則廷有分謗之士。難者人所易避。思口實以徇之。則朝有仗義之臣。即有口  
喜。思畏義以制之。則無佚實之賞。設有暴怒。思觀理以忘之。則無溢法之罰。



伏義氏八卦象各三畫三代因而重之為六十四卦文王命名作彖周公作文孔子  
十翼說叙雜彖傳象傳繫詞文言也宋朱元晦始定今易文次彖象次文文言次乾  
坤分上下篇終繫詞說叙雜傳國初易刻今程子易傳朱子本義成化口奉化教  
諭成矩單刻本義今遵之

張孟元

安陽張孟元天順乙卯貢士終南京職方郎中孟元還里徒行訪人不敢乘馬云城  
中冠帶乘馬者自廉使賈公迎憑始副使馬公卿勸乃翁乘轎曰寧步行不取人恥

張氏  
風範

祠廣文

廣文例不祠而崔後渠洹詞有威縣重修陳教諭祠記云陳子名燧莆田人成化丙  
午以詩來教授著講義日勵士師聖賢却其束脩之問凡四年遣教國子云云

十老會

弘治初夏邑有十老會參政金醞副使楊德知縣劉恭朱鑑劉銓縣丞劉安教諭閔  
賢口官朱理醫官王濤口官徐銘威每會奕棋彈琴賦詩時形圖繪

夏邑  
縣志

女飾

弘治正德初。良家恥類娼妓。自劉長史更仰心警效之。漸漸因襲。士大夫不能止。近時。治容尤勝於妓。不能辨焉。風俗之衰也。安陽張氏風範

犒市

北邊犒貢胡。茶一斤。直六金。布一匹。直四金。緞紵直三十金。太僕市馬。專給京軍。互市馬給邊。凡官市皆鶻駿。足必私買。

總督體統

藩憲見巡撫都御史有常儀。自韓雍總督兩廣。極威重。三司官至庭。跪伏謁。唐珣繼之。仍其禮。左布政龍溪林同曰。公昔為福州府守。且長揖上官。况方伯耶。亦長揖。珣不懌。以事挫之。不為動。

雲南三天子

雲南人謂沐國公中天子。撫臺東天子。按臺西天子。以公署相次也。土人尊其土司。多稱天子。或呈守令云。天子爺。千歲爺。夷習如此。昔田州岑猛播州楊應龍。上官輒責其帝制。亦拘於漢法。未諳其俗也。華亭包爾庚守羅定州。有投牒云。千歲爺。杖而

而遣之。

香稅

泰安州泰山碧霞元君祠。均州太和山真武祠。俱官徵香稅給諸司俸。涿州娘娘廟亦有稅。

北新關稅

宋黃震東發志提幹趙宗英墓云。高祐九年秋。予始居行都北新關稅田君穆。騷人也。云。觀此今杭州城北新關稅。雖始成化時。南宋亦有之矣。

武廟賜詩

武廟南巡。至鎮江幸楊一清第。作七言絕句。見車駕三幸錄。又王九思作刑部左侍郎。咸寧張鸞墓志云。戊辰三月。廷試進士。充讀卷官。是時纂脩資治通鑑成。得賜。又御制寫懷回文諸詩。

朝儀

外吏入覲。春正月。天子郊祀畢。越旬日。御奉天門視朝。諸司始奏事。方岳守令咸趨御橋南。跽免冠。俛伏待罪。刑部尚書率左右侍郎上御街北。跽讀彈文。繼而科道

皆有彈文。各推老成人。北面跽讀大意。言方岳守令等。若弗能事事。宜寘之法。以示懲勸。天子咸口出德音。特宥之。以勉圖後效。於是各頓首謝。呼萬歲。出翌日。早具公服。謝午門外。然後吏部以黜陟上閣聞。

御史出差。以都察院題定。命下之日。必兩人並跽傳制。云東邊的起去。蓋國初臺班聽特主。今雖題定。猶徇其例。外官候吏部注選考科。堂吏呼曰。進士官打躬。舉人官不許打躬。於是乙榜聞之。深自色沮。此例或起嘉靖間。意以前科貢掾史並用。何軒輊乃爾。又吏部直房有坐杌。止坐甲榜。如乙榜群集。一甲榜至。並起避。不但班役呵之矣。

### 行人司藏書

翰林院國子監。雖藏書俱不及行人司。以行人出使例。攜書歸。各輸公署。

### 薩琦變俗

閩縣侍郎薩琦。迂書上世色目人。至侍郎喪葬。遵朱文公禮。變其俗。

### 觀場儒士

嘉隆前。學使臨場。大考諸生。又大考儒士。錄之入闈。不售得附學。其不願者棄去。故

人稱觀場儒士萬曆猶大考儒士然鮮中棄者後大考儒士絕矣

### 古醋

延平府城東北報國寺五代唐時建初開山僧嘗留醋一缶經數百年色味不變

### 酒

桑落酒秦人訛桑為喪改稱秦酒徐宗伯學謨曰予憶十五年前京師貴人席最珍  
喪落酒當是時已多避忌亦未聞避桑作何稱者而今秦酒之名為備者誰哉痛乎  
人情蓋習軟媚世江河下矣且桑落酒名極雅本無所觸犯而且易之又何有於他  
事哉可發一噱海閣集

瓊州人醞酒不用麴藥有木曰嚴樹搗其皮葉浸以清水以粳釀和之或取石榴葉  
花和釀醞之數日成酒能醉人

### 杜進

嘉靖初臨穎杜進任九江通判於三年夏四月朔見兩頭蛇不殺曰脩短豈彼尸之  
哉越十四日疾卒見雀後渠墓志中

### 陳紫峰論學

晉江陳紫峰先生琛字思獻。蔡文莊高第也。官南京吏部考功郎中。歸養母。起歷貴州。江西提學僉事。並不赴。四方從學甚衆。其言曰。道一也。無高深大小顯微遠近精粗常變同異。自吾人所見。則有高深大小顯微遠近精粗常變之殊。此所以有難知易知。有可以語有不可以語。苟能一日豁然。則剛風上搏。不為高。南極下入。不為深。茫茫載地。不為大。涓涓穿石。不為小。鬼神屈伸。往來不為微。草木榮悴。開落不為顯。經濟乎四海九州。不為遠。致慎乎闔門衽席。不為近。聖賢制禮作樂之本。不為精。童子灑掃應對之節。不為粗。周公誅兄。不為不弟。石碯殺子。不為不慈。大禹之家傳。不為德衰于堯舜。湯武之放伐。不為得罪于夷齊。陸象山之主靜。不為枯寂。朱晦翁之分析。不為破碎。周濂溪專授太極於二程。不為私學。二程不授太極于諸子。不為吝教。蓋太極渾然。事事物物。無不各具。吾人耳目所見。有常有不常。心思所測。有得有不得。此高深大小顯微遠近精粗常變異同所絲分。而學者之進入。不容無難。易教者之指引。不容無差等也。

陳祠卜像

丹陽宋東少陽東先生祠。鐵鑄王白彥。黃晉善。赤體跪庭下。長可三四尺。泥苔成。...

推不可動嘉靖戊戌南安鄭普以無錫令為南戶部郎舟泊祠下登堂瞻拜異守祠者出紙筆求聯句普題云一片忠肝千古綱常可托荒庭虜膝平生富貴何為二像應筆而仆頭抵頑石石為斷時張黃門選黃二守希雍在焉咸駭異之

### 劣考稱師

洪侍郎朝選督學四川真大寧譚啟劣等啟登嘉靖壬戌進士知晉江縣至則脩弟子禮甚恭後巡撫勞堪誣執朝選按察司獄啟時正為副使嘆曰吾師被構吾不能救而尚仕哉即解組歸

### 相國父不祀鄉賢

晉江王遵嚴先生作同安楊憲副逢春墓志銘云在崑山邑有故相嘗欲奉其父祀於鄉賢祠邑子論有異同君持之故相滋不悅按故相則顧文康鼎臣也位極鼎軸鄉議難徇今半綸崛起輒靡然趨之萬歷中錢塘機戶傅時冒錦衣百戶其先人某祀鄉賢時敗追奪崇禎中吾寧吳中彥先以布衣納賢武英殿中書舍人其大父璧故贈御史亦祀鄉賢中彥敗追奪二贈君雖未叢垢然瞽宗之祭政自宜慎

### 方太古

王陽明先生過錢塘。山人蘭溪方太古。享之脫粟野藟。明日陽明報如山人。方曰。野人為野人。固當。公徹侯而野具。得非情耶。陽明為笑謝。

### 胡僖神助

蘭溪胡副使僖。性惡殺生。嘉靖口省試。寓潘氏園。羣蟻數十萬。聚于室。童子欲火之。胡不忍。徙于他所。暨入棘。三書義至乙夜而就。蟻戢戢筆端。不可逐。久之始別。搆四經義。思忽全涌。如泉注。蟻亦絕不見。遂高薦。主司謂公四經義。殆神助也。

### 詹傑

休寧詹傑。松山。年八十二。屬末疾。晨有黃冠叩門曰。吾欲游白岳。願一見而翁。傑見之。則曰。吾有藥。可以益子七齡。而子未能服也。命取盂水置案。出瓢中末少許。內之水。忽涌熱。凡百餘沸。而藥自團為二。如梧桐子。顛搏之。堅於石。復盂之。曰。扁家廟七日而發也。贈以一緡錢。二襲衣。不受。出中門。忽不見。滿七日。啟扃。則異香襲鼻。水半耗矣。將服之。疑其非常。復扃之後十餘日。疾大發。更啟藥。失矣。

### 李宗道

常熟西門內虞山。言子游墓。或云嘉靖時。明府李宗道。廢鵠。以子游土人。不可無。坏



士故飾之

言子游壻申詳。同子游子。仕衛。以上俱許洽說

### 藏金變石

諸暨駱增。鋤山中。得大鏹可五十金。鏹有字。方晨卧。見四人奔語曰。非爾物也。問所歸。曰。汝兄物也。時兄對寢。急授其兄。兄亦枕卧。明晨兄弟謀讓於神。視金色漸變如石。其字如蘇。以示市人。猶大鏹也。

### 三過鄖陽

泰州徐蕃。孫女適沈良才。徐沈並鄖陽巡撫。從大父從父從夫。凡三至鄖陽。父高浙。江按察副使都御史。

### 王恩民棄妖書

雲南臨安。王得民買屋城外。庭鑿魚池三尺許。起石版有小方塘。四週甃甃。一小几。几上有書一小冊。開視兵書也。未載採戰引魂二方。得民試之。殊效。其引魂方。於婦人則呪一物與食。其婦夜即至。於女子則得其生時呪之。無不驗。其弟諸生恩民。借閱溺之恩。民戊辰進士。位中丞。人謂棄此書之功也。

盛端明同鄰

廣東揭陽盛尚書端明。起宅鄰人質成。辭曰：我先世舊鄰。一旦舍我去。何所稱兄弟乎。

曾氏譜

嘉靖初。山東曾氏。合譜。江西過杭州。宿仁和嚴氏。疾卒。嚴氏得其譜。改冒曾。今立先賢曾子祠。

慶成王百子悞

晉府慶成王鍾鑑。子四十四。長子奇湏。襲封。外一早夭。二廢庶人。餘四十人。封鎮國將軍。女四十九人。孫百六十三人。曾孫五百十人。見玉牒。王元美皇明盛事述云：慶成王百子悞也。鍾鑑謚溫穆。獻徵錄悞端順王奇湏。

張太宰孫弟

仁和張元洲瀚。其弟濂。先發解。登第。嘗赴人席。時輩羣向濂揖。元洲笑曰：舍弟年長。又元洲婦初怒其以斥場屋。未免室譎。元洲走靈隱寺僧舍。倦卧一榻。時僧新沒。方接散無費。故其徒暫出。而元洲不知也。須臾鬼入視。呼曰：此人乃張天官耳。

故官優免

華亭顧文僖宗伯漬曰鄉先輩任公勉之沒未葬里長編其子弘為養馬夫教授張公以白太守上虞葉公冕葉大書榜於門曰今後均徭故官子孫一例優免。

嚴世蕃養子

嚴世蕃分宜相嵩之螟蛉子見趙時春作王與齡行狀

總兵揔知縣

嘉靖丁酉梁震為陝西總兵之平涼迎劉都督知縣王詡素廉能謁惟長揖震善之二十諸學諸生與震辨震縱僮搏之各毀髮敗面平涼府志

駱文盛

嘉靖辛丑編修武康駱文盛分考禮闈其從兄孝廉錦以屢困公車欲編修免入庶得應試編修不聽錦引避恚甚尋卒於家勉其子力學安知後人不詞林也錦孫從字萬歷乙未進士歷南京禮部尚書

張烈

華亭張烈官都水主事微時作三字銘不能詐寧守之以直惟其然故無悖於德不

能論。寧守之以貞。惟其然。故無傷於誠。不能貪。寧守之以廉。唯其然。故無愧於天。寶日堂

### 張二郎辭官賞

上海張二郎。勇鬪善泗水。嘉靖末。太守方廉募之。偵倭斬級。賞銀寄庫。支酒食。事平錄功。世百戶。賜官妓。並辭不受。行乞宿岳廟。廉後撫吳。召予庫金。仍辭。以乞終。上海縣志功成不受賞。長揖大將軍。如張二郎。鷄結乞食尤奇。

### 金傑棄官

嘉靖戊午。江寧令蘭溪金傑。由貢生。性恬澹。持正。不事鞭撻。裁省供億。致忤上官。任牛載。一夕謁上官。授吏。以印竟去。不知所適。家人號泣。倉皇而歸。後聞隱九華山學仙。江寧縣志

### 張承

安陽張承。伊嗣教。諭南宮。善詩。與盧柟。謝榛。善。所著石湖集。柟嘗題四溟書舍云。石湖詩。如蒼山老人。奇丰峻骨。四溟詩。如金閨冶婦。雜繒錯錦。張承曰。丁巳。余教諭魏縣。廬中木寫詩。余告以詞畫具弱。戊午。與謝子秋寫詩。子牙詞畫更弱。嗚呼。豈知二

兆為死之兆前言為仲木之絕筆也哉

### 孫思聰

嘉靖四十五年春甘露降項城縣典史孫思聰宅槐樹甘香殊常未幾思聰卒於官

### 東洋行縣

福建東洋行縣在寧德縣十五都嘉靖辛酉倭難作東洋民乘亂恣掠以其地僻民頑設一縣縣令林時芳申建行縣於周墩分主簿一員駐札其處賦稅就其徵收

### 朝鮮慕王元美汪伯玉

朝鮮史吏曹叅判尹根壽子固同子進士昭至京云小邦極慕王元美汪伯玉集即童子皆能授讀隨有詩懷兩先生云大海雄文迴紫瀾齊盟狎主有新安平生空抱投鞭願悵望南雲不可攀

### 十友

武康編脩駱文盛兩溪書疑山寺十友蒼髯翁松抱節君竹冰雪主人梅晚香居士菊懷素子冰仙碧菜道人藟秋江逸客木芙蓉月露主人梧幽芳處士蘭雲華仙蓮嘉善鐵塞庵相國壯傳十友茶醒友鷗閑友雪潔友菊貞友石介友松高友蘭芳友香清

友竹。篆友。其一

蓮花淨友。蒲團禪友。麈尾談友。拄杖老友。青氈舊友。紙帳夢友。孤鴻遠友。落日西友。寒蛩吟友。楓葉紅友。其二

田千秋葬像

蒲州田千秋好學。善擊劍。嘗鑄銅像。鑄已名。氏葬之。語人曰。使千百年以後人得之。即神仙也。

海鹽燄火

海鹽人善製庭燎。元夕特盛。吾縣硤石西山廣福寺有宋碑。勒名曰監海鹽縣澈浦鎮兼燄火公事某。夫庭燎細事耳。見於帶銜。亦見前代綜覈處。

汀人善舟

汀州九龍灘險激。舟人世居灘上。習水性也。精其業。舟人入灘。例倩最能者為護。一舟下。反護其次者。世業亦數姓。又僅數人。誓不外傳也。

販海

閩粵人額販海。今延及浙直。自太倉崇明出洋。載炭。水人日給六錢。自昂亦可販成。

未易泊抵日本對馬島。或早彌島將至舟聲三炮。島人出迎。登岸於郡。王延欵一日聽島主定直。華人多雜居者。亦好花木書籍。

### 王希周自刎

嘉靖辛酉。和平知縣閩縣王希周蒞事。三月有東壩張德傑所寓人已行。通判王佳以縱盜迫德傑死。日以東壩人數盜欲屠之。希周不聽。夜勒開門發兵。希周度不能止。拔劍自刎。佳乃已。

### 吳承恩報仇

吳江吳邦棟大司寇。詎菴公山之幼子。以諸兄聯第。意營秋試。為怨家所訐。少年惶急。飲酖死。邦棟仲子承恩壯而憤其事。誓必報。陰結力人某刺殺之。人無知者。數年後。力人與婦詬。婦呼曰。爾不嘗以吳王孫殺某氏乎。隣人訟于官。承恩下獄。論後得釋。雖事不以正。其志足矜也。

### 汪在前

歙縣汪在前。父炎。丞平湖。忤太守徐□□。下之獄。在前以諸生視橐。日伏謁求解。不為禮。是年丁卯。在前舉南闈。戊辰成進士。任嘉興司理。其去橐。體時未隔歲也。太

守邗。迎素好貨。至是廉潔。士民傳誦。為一時之奇。士固不易皮相哉。徐敗官去。在前遷南京刑部主事而止。蓋兩相構云。

### 丁賓

嘉善丁清惠。嘉靖甲子鄉試。隆慶辛未進士。名稍後。鄉同年支大綸先登第。性矜倨。至丁所。見進士扁曰。四十名外。不成進士。答曰。尚有下第諸公。筮令句容。父戒之曰。汝此行。紗帽人說好。我不信。吏中說好。我益不信。即青衿說好。亦不信。惟瓜皮帽子說好。我乃信耳。治句容六年。入覲。謁江陵師相於朝房。師相曰。聞吏績甚著。答曰。更三年尤好。師相曰。迂闊。吏部因不考選。江陵見單曰。句容不當遺選御史。

### 錢若賡

鄞縣錢若賡。太守初鄉舉。家人烹鷄。失其首。及聯捷。烹鷄立候。又失之。時以為異。自臨江守下獄。論死。家人召箕判曰。若要出。待天突。果天啟。初釋。

### 梁邦瑞

駙馬都尉梁邦瑞。尚穆宗永寧安公主。素患衄血。選時。潛然血下。司禮馮保受賄。禮部尚書徐學謨阿其意。俾病夫進選。陷公主嬖居。見通政司右叅議梁子琦疏中。



邱梅遣子婦

隆慶辛未進士。諸城邱侍郎梅之子。早夭。嫁其婦。華亭陸給事樹德問及。駭之。侍郎曰。噫。柏舟之咏。錄於聖人。懷清之臺。築於天子。此河岳間氣。可概望之人人乎。

高儀尊師

錢塘高儀。文端相國父。業染。兒時戲汚染籍。手錄不遺。吾寧朱舜臣適見之。勗以力學。因受業焉。踰冠登巍科。終身事師甚謹。有蒼頭至朱氏稍恣。時舜臣教諭金壇卒矣。文端方大宗伯。遺書教諭子。痛自刻責。

陸樹聲

華亭陸平泉先生。以侍郎予告。南還。值孝廉舟競前。其僮曰。我相公官不止此。陸徐呼其僮入舟。諭曰。相公他日不為我官。但我前日曾經為相公官。

江陵票簿

萬歷初。江陵張文忠票簿。歲積寸許。旨極簡切。嘉善錢塞菴。史官時特彙錄之。後入相。頗得其力。

劉臺

臨川湯顯祖甲申見遞北驛寺詩多感故侍御劉臺附題其後江陵罷事侍郎出冠蓋悲傷并一時為問遼陽嚴謹日幾人曾作送行詩

### 湯顯祖

湯義仍舉隆慶庚午鄉試以文著鄉人姜□宰宣城萬歷丙子義仍過訪宿□寺識梅鼎祚禹金得交沈孝廉懋學嘗同課寺中有楚客角巾葛衣通候問里氏曰江陵張某今相國父行也疑之然不敢忤留飲且贖焉客辭曰二孝廉入京相國期一晤意頗懇切至期並寓燕前客果來勸謁相國各未決客曰第訪我相國自屏後覘之耳沈獨往而退客又至語沈曰相國善足下文謂福薄耳招義仍終不往尋沈雋南宮對策進士第一義仍下第然深服江陵之知人能下士為語常熟許子洽云

### 禁殺牛

萬歷初巡城御史楊四知禁殺牛榜宣武門外多回夷世業萬家鼓噪總憲亟令收榜乃定夫禁殺牛未為非也羣習難改故善治者貴因勢而利導毋拂眾以就功又彬州徭人雖竊一雞必抵命嘉靖末某官欲改行漢法徭人立表倡變太守南安陳崇尹微仍其俗乃靖

申其學

日照申其學。由明經令睢寧。呈開府李世達。築城未得決。亡何。開府經其縣。城且半就。驚其何自。對曰。不費官。亦不煩官。開府詰之。曰。令來時。邑故多沮。如芟稿也。而務閒無事。民與廁徒。飽食坐卧。廢棄可惜。日課之。樵久之。芟稿山積。無所用。用之。陶得甃以巨萬計。度為城有餘。獨少灰。與工食。今賣芟及甃。就矣。開府太息。助米千石。再過之。樓櫓具備。事在萬歷癸未。

王國光

萬歷壬辰。前太子太保吏部尚書。陽城王國光。里居。有孀婦李氏。或勸國光娶之。未行。時國光年高。亦不介意。會有他故。氏自刎。陽城令□□□故。嘆國光謂其偏脅死。實非也。巡按喬璧星疏聞。削國光籍。所樹石坊。俱糊名。不敢露。北人遵令如此。南人雖削籍。門額坊表如故也。錢塘太常少卿陳三謨。以江陵黨削籍。又坐殺人罪。城旦。其賜一品服坊。則吏科都給事中時也。至今存。

姚弘謨迎事生母

秀水姚少宰弘謨。繼文嘉靖癸丑進士。父訓導。卒官。母更適。依祖母劉氏。至成立。

登第後迎母歸養克盡孝道人方之范布衣

### 元輔家幹

張居正奴游守禮原缺二字申時行奴宋九原京衛經歷不曾仕一日即貶封。

### 海瑞

海忠介巡撫江南華亭徐文貞階家居子僕積橫訟牒山積謀于珥筆並不稱意崑山某年十九最後至見各案俱不視第曰揚湯止沸不如釜底抽薪文貞聞而善之詢其策對曰相公柄國久願假尺一之書走長安故人足矣勿與此曹子角勝也即如其言致書馮保又賄給事嘉興戴鳳祥等劾罷中丞徐氏之訟熄操縵既熟其後凡異彼者俱以孔方撓之烏程董氏亦然

### 周天球

長洲周公瑕先生師事文太史徵明設像中堂歲祀之萬歷乙未九月卒年八十二無子

### 邵虎菴

錢塘邵山人虎菴善吟繪讀書山中。有隱操郡丞新建喻楓谷均欲見之不得怒奪

其山虞淳熙詩老作閒民不負租不濠不澗路應迂叩門雙騎傳呼急一片紅塵山已無按楓谷擅聲藝苑傾慕緇衣而事同伐木所以鑿壞踰垣之寥寥也

### 續吳都文

宋李洞庭山鄭虎臣選吳都文萃積四帙虎臣即殺似道者萬歷時吳郡錢穀續吳都文萃凡二十帙未付梓今佚不存。

### 吳稼澄

孝豐吳稼澄翁晉父維嶽巡撫貴州世稱詩人嘗訪仁和沈工部伯含朝煥有解帶對山人之句嘆之因謁選授南京光祿寺典簿遷雲南□州判官晚號玄蓋山人易簣日命服山人之服如故官非其志也

### 嚴訥

常熟嚴文靖相國家居有老儒候之諂相國曰先生自視與孔子何如相國駭遜老儒曰非謂道德也第論名位相國曰宣尼僅魯司寇僕忝冒多矣老儒又曰老先生何如周公相國益駭遜老儒曰當周公初造又值流言不如老先生作太平宰相又曰老先生何如伏羲氏相國駭不能答老儒曰今日某卜祈伏羲氏聞相國召舍之

而來真過之矣。相國大笑。

楊春元

駙馬都尉楊春元。固安人。尚榮昌長公主。極有家範。貴而能孝。富而能禮。每召客。親視鼎俎。子光夔。錦衣衛帶俸任都督。光臯。光旦。俱錦衣都指揮使。並讀書守禮。有父風。父卒于京。哀毀不勝。扶觀歸葬。徒步百餘里。廬墓。母喪七日不食。衣不解帶者三月。竟羸瘠而亡。

王述古笏記

禹州王述古。萬歷己丑進士。官刑部員外郎。作笏記。示歸德沈相國。鯉欲於祝壽日對仗宣讀。以免礦稅。然後起。歸德不可。令述古作奏。自上。述古難之。鄆縣相國沈一貫。改作揭進。不報。

陸平泉論風俗

宗邑許繩齋維新。侍郎。前守松江。問風俗於陸宗伯平原。宗伯曰。無風俗。許訝之。宗伯曰。公倡於上。為風。吾儕效於下。為俗。天下豈有風俗。

萬歷初貴池蔡太守言。郴州古有庠。葬處林木翁蔚。犯即見崇。守歲祭。問之土人云。某姓為象夫人之後。衣冠未替。侑祀祇役。稱姑祖陵。數千年荒裔。猶叨國惠。

### 耿楚侗馮慕岡講學

或問耿楚侗先生定向。以天命之性。先生方欲擬解。其人曰。意公自言其性耳。先生為之懼然。馮慕岡先生維京。會友於白下。凝然相對。或曰。馮公何無講。座下曰。此人渾身是講。

### 林兆恩

莆田林兆恩。以艮背之法。教人療病。從者雲集。博極羣書。著三教會編若干卷。老得心疾。顛狂逾年。乃死。今金陵有祠二。蓋其徒崇奉之也。○兆恩嘗師作小仙。

### 祝世祿

江右祝世祿。無功。解褐當塗令。有馬指揮家。牆壞見窖金。甚富。相傳故宋賈似道遺園也。窖衡三文。長口十丈。深若干。事聞於官。丞尉等爭往。無功獨不至。後按臺復其事。上之朝。知無功不往。獨薦及。

談遷曰。吾因祝無功事。而有感於近日也。崇禎壬午冬。有賈舶私販日本。攜人參值。

十萬金。登吾寧海岸。將赴嘉興。土人利之。告邑令劉憲模。往捕之。盡收其橐。囚私販者數人。不以聞上官。賈人訴各臺。憲模報數先後多寡不一。又分參饋上官。如司理宋璜。即百二十斤。實不能半。而初時捕役者乾沒不與焉。其賈多晉人。陽城張貌山先生。時以大司農改總憲。或求先生東浙撫董象恒。為諸賈地。先生不可。曰。利至十萬金。勢必上聞無益也。吾不敢預點墨。已而撫按果奏上。憲模免官。前予在坐。親聆之先生。歎服其遠見。政與祝無功事同。

朱中丞誤奏反詩

朱鴻謨開府吳中。時關白多警。太倉王士驥等。羣習弓矢。或計其反。搜捕手札。君實有心。追李布。遂門無計。作朱家為左據。鴻謨奏上。事下兵部。兵部□□□□伍袁萃。告尚書石星曰。此拜月亭傳奇中語。何得作反案。出坊本示之。尚書釋然。

馮少墟會約

萬歷丁酉十二月。長安馮少墟先生。關中會約云。冠婚喪祭。當以會典家禮為主。至於冠禮。久已不行。尤望諸公亟倡之。士大夫於每年正月六日。各攜餅菓四器。酒一尊。同至公所。拜一拜再。二拜。以見相答。已會申散。有年高步履不便者。公除餅菓四



器酒一尊送至其家非不得已事不可不到一彼此往拜正用單帖後輩於前輩用折柬前輩用單柬答後輩途遇前輩下車立道左候過方登車一彼此往拜務相見不可概以不在辭如談久隨便出一餅一果不必設宴一彼此稱呼或字或號不必稱翁惟後輩於前輩仍用翁字。

### 梅衡湘論友

公安袁小脩中道客長安以學道未契汲汲求友麻城梅中丞衡湘國楨寄書曰貴城之旁有日中之市焉雖無奇瑰異物而抱所欲者各恣取以去求友亦若是耳公欲於此處求友顯靈宮古柏婆娑委地作虬龍形東便門外奈子花如錦幄可容二十餘人晉陽菴中有唐鑄觀世音相沙窩水葛道士毬順城門守門老中官射亦不佞數十年內所得友也公倘欲之便以相贈。

### 朱氏世祀主司

蘄水朱康侯□□進士大父方伯珍□□嘉靖壬子鄉舉房考滁州學正全州李□□總裁衡州知府德清蔡汝楠監臨御史績溪胡□□癸丑成進士房考吏部主事泰和楊□□主考大學士華亭徐階侍講學士高安教□□康侯兄知府長期嘉靖甲子

鄉舉房考承天推官絳州孫□□總裁憲副汲縣潘□監臨御史長垣徐□萬歷甲戌成進士房考兵部主事崑山陳□主考大學士全州呂調陽侍講學士尚昌王□從元□萬歷壬午鄉舉房考武昌推官長洲褚□總裁按察僉事上海王□監臨御史常熟錢岱康侯舉萬歷己酉房考行人蘄水郭□主考左諭德龍溪蔣□右諭德河津趙□□庚戌成進士房考洗馬渭南南□主考侍講學士宣化蕭雲舉侍郎王圖並世祀於家

### 趙御史論囚

萬歷壬辰進士趙蓋菴□以庶常改御史嘗論囚有禁卒以獄逸代死先一日獲囚刑部不及聞御史臨決問同年李騰芳云何李曰當疏明其事候旨庶不枉不欺竟阻於同事殺禁卒亡何御史死

### 郭達

密縣郭達伯羽萬歷丙子貢士歷官真定同知幼聘姚氏偶失明議退婚達指天誓曰我不娶彼何歸遂完娶生子六

萬歷時。蕭如薰。杜文煥。並西陲名將。能詩。有集。行世。聊紀其一。新林呈霽色。寒草正  
丰茸。杞樹珊瑚果。蘭山翡翠峰。出郊分虎旅。乘障息狼烽。坐乏舒籌策。天威下九重。

蕭如薰  
秋征

朔方才喜淨胡塵。又見邊聲急震隣。雜虜橫行如烈火。諸軍堅壁似雲屯。纓冠義切  
盜違命。蹈刃心雄肯愛身。獨提三師先報陣。保全疆場報楓宸。杜文煥定  
西捷詩

### 盜俠

沁水竇生。以父尉遷安。往候。遂還出天津。值盜剖筭。見殘簡薄之生。曰。遷安尉。安能  
厚耶。今且何以歸也。盜感悟。引還家。貽百二十金。贈小黃幟。令道警。出示之。自是畏  
途。示幟。彼悍少曰。自大兄所來乎。生得返里。其兄游河南。語此事於逆旅老人。老人  
曰。後輩草草何足道。因叩之。老人曰。少作此伎倆。今髮種種矣。無足問也。隨問客能  
射乎。客引強弓。面且赤。老人拓弓如輕綿。射飛鳥命中。客駭服。老人曰。平平耳。更截  
柳挺各二尺。置樹端。發鏃。矢必中裂。又立木寸餘。矢掉木平過。又不仆。老人投弓而  
嘆。休矣。日薄西山。可奈何。客今後如道警。第述某名氏。猶及免也。

### 曇陽子

王文肅家幹曰。五曰七。通敏敢任。並致厚貲。文肅女字徐少參。廷棟子。未行。子大時。王家有白狐。出沒作度語。雲霧或靜室枯坐。諸真駢降。非無因也。文肅迂而神之。後言其事。聞於兩宮。俄而狐隱不復出。靈響遂絕。母朱夫人計窮。而王七獻計。為紹興某生。密捐千金。以女歸之。某歸後。單門驟侈其橐。且女容止不凡。隣人挑之。不可。或曾以無端。女吐實曰。我太倉王相國女也。聞於朱夫人。相國族父孝廉。號曰兼吾。其人強忍自任。朱夫人即召其女置孝廉家。而通書相國。亡何相國報命。第聞孝廉室內泣聲。俄寂如也。又累月。紹興某生來。同至者五人。亦延款。亡何並不見其出。則孝廉意也。王元美作曇陽太師傳。做唐人南岳魏夫人傳。四明樓熄指其妄。鄞縣屠儀部。隆上城隍神詛之。後曇陽子祠。為雷擊毀。

### 王世貞

王元美先生。每夙興。燭下盥櫛。輒閱諸行狀。隨草一志傳。又成一詩。出報謁。肩輿。頗。厥旁列書供。覽所坐書室。設大缶四。隨事札記。分投之。經月一理。夜客四人。嘗侍飲。有某別號。怛怛。嘗投警求題。云伎所贈者。先生即曰。鬱陶思君爾。其提趣類此。

王問伯士。騏先生之長子也。先生與王文肅非同宗。特契洽。嘗共讀恬澹觀中。兩家。

子弟比於雁行。萬歷壬午，周伯解額第一。成進士。文肅子辰玉，衡嘗過之，值其內，撒不即出，意不快。會選庶常，文肅當國，謂瑯琊素不以詞林重，周伯遂不擬。雖文肅無所私，實辰玉意也。故周伯怨望。及文肅還里，伺其起居，輒示東林諸公。廷于羣口矣。

### 司汝霖

巡撫福建右副都御史。江陵司汝霖，本汶上張林子。數歲失母。江陵司鑑督運過汶上，與林善，乞為子。年二十二，登隆慶戊辰進士。歷文選郎中、太常卿。鑄再受封，後復姓，改名汝濟。卒年五十三。遺書曰：開府非卑僚，半百亦長世。惟生我之劬勞，吾慚負于天地。

### 文在茲

萬歷□陝西初場督學□□□開諸生試卷，揭何龍圖第一。文在茲呈七義，謂文宗誤矣。必我也者，非龍圖也。督學深然之。果在茲第一。乙榜首龍圖。次舉龍圖又第一。

### 無賴妄奏

萬歷丹徒張昱，奏其叔占收第一。祖宗高宗駙馬培賜物。又第二祖祭京丞相奩物。并發吳慶封、湯子眾寶物萬萬。湯顯祖若士詩：天帝談諧一字聞。宣和遺事要物。

獨憐千載。惟埋客不到。延陵季子墳。按金史。宣宗興定三年十月癸未。平陽判官完顏阿剌左箱。譏察霍定和發宋蔡京故居。得二百萬有奇。准格遷賞。穢相封殖。祇供後人官幣。又供後人註墨。何不將六州鐵鑄其身於銅山金穴間耶。

### 有司重聽

嘉興推官段錢重聽。巡臺嘗問幾令郎。白外郎二十四人。滿室笑之。又無錫知縣謁學使。學使曰。鹽臺子貴。縣有說答曰。已喻。明日進硯。問其故。悞鹽臺為硯臺也。尋免官。

### 雙乳

嘉善錢士晉守大名。有諸生兄弟四人。貌各相似。問之。同乳二人。生正月。二人生臘月。俱歲內。記其髮偏全。

### 徐大相論魯綬

萬歷口吏部郎徐大相。先以國子助教論稅監魯綬。不報。綬內懼。進瑤異若干。列几上。上欲受之。適中宮至。問所自。中宮曰。國子先生論人。當不差。奈何受之。上

即麾出中宮去。旋受之。

許會元稿

周安許獬子遜辛丑南宮第一。先是下第南還道。置桐鄉祈某在昆陽。適值之。贖五金。子遜貽制義三百首。內食不厭精。全稿祈應試錄之。拔高等。食廩。又易義。售姑蘇酒家六。瓶。後冠禮。聞梓人購得之。

梅花詩百首

屠儀部隆長卿。求友人侍兒。令即席賦梅花詩百首。長卿援筆立成。因歸之。長卿佻達不羈。先因宋西寧家。狎飲罷官。常游西湖。泊舟西陵橋。詞客滿座。語及前言。忽曰。宋夫人真絕色也。眾為之匿笑。又曰。吾一夜可度男女十人。歛縣吳德符。死時在座。為予言之。

趙文懿墓銘

崑山顧文竣。開雍志。蘭溪趙相國志。臯墓簡峭嚴潔。大有古法。不似謾墓之習。銘曰。公初激昂。時宜勇也。公晚委蛇。道宜漸也。公學至偉。魏科猶細也。公用未究。久相猶促也。生焉顯靈。沒永寧也。

張九德

萬歷己酉松江守張九德同知楊勳俱寧波人。張守嘗出郡治門見治前大書一酉字畢滿一場。賊而返。楊問其故。以實答。並不解其故。後四十年乙酉松江陷。

### 虎入城

萬歷丙辰七月晦。虎夜入杭州錢塘門。旦逐之。踰城出。不能獲。湯隣初先生煥曰。虎反爪為虐。虎入城主酷吏肆威。

### 偶然詠

韓求仲太史敬嘗入內。問妾今日何衣。緋曰。偶然。何更換一書曰。偶然。兩言可念。姚叔祥士儻。逐賦一絕。袖裡紅綃裹一編。偶然應答語新鮮。若教更問郎何似。嫁得郎來亦偶然。

### 冥衣

嘉興通判某北人也。嘗過市。見紙神等問之曰。冥衣也。心怪之。邑邑成疾。傳吏卒取冥衣來。隸卒以呼名醫也。召劉巽峰通判曰。焚了。時以為笑。

### 榜豐縣

孝豐縣令。其諱孝宗。每榜示曰。豐縣。又福建龍巖縣北四十里。孝山縣。官始至。則祭



之謂孝凶名或莫乃入知縣黃廷圭改曰壽山自是不祭而皆無恙

### 樵李詩人

萬歷間樵李詩人頗盛姚叔祥起傭書丘遂本天寧寺僧空梵也遂于岳氏走補嘉善諸生仍被斥以詩游薦紳間陳無功本龔郡守勉侍史積資官泉州府經歷沈藻明德本吳氏舍人並能詩不諱其所出明德家設恩主思我吳公之神位每遇人輒自稱名殷東臯□□本村農車水手一綿紙書陳眉公過問則後漢書也因勉之成名。

### 卑稱

府衛州縣佐貳首領官見通判以上皆稱老爺與奴僕無異萬歷間濟南歲貢生王之翰選□□主簿見上官一呼老爺遽感心疾見人輒曰孝子慈孫百世不改也竟死趙州選貢宋弘業選州同知上疏求與州縣正官俱稱上官為大人奉旨下部准通行弘業見巡撫遂稱老大人巡撫怒而答之十五憤恚病死見家宰趙南星疏中。

### 許令典

邑人許太守同生令典萬歷丁未進士。嘗徙官淮安教授。壬子分考四川畢。出游。見都人婚車餘從白衣冠。問其故。曰孔明卒時。蜀人俱服素。遠者遂以為俗。不之更也。曰孔明孝。

太守往廟灣周氏適新進生盛服。縱擠許膝下。從者指為太守也。許叱曰。此處安得有太守。問其故。曰。我不代伊父母教他。

### 陳心得

萬歷己未冬十一月。崇德知縣陳心得。廨舍失火。延熱軍器庫。傷於火藥卒。今立祠。臂紋。

秀水陳居一太史萬言。嘗欠神。左臂隱隱有文。旋膚理。若動出。文中起寸許。長過之。乃玉筋篆一進字。即以朱塗其文。用楮印倒篆數紙。鈎畫宛然。晡而稍平。見太史自記。

### 印綬放花

鄞縣董侍郎光宏。筮仕。□□退食。案上印綬忽開放。如清蓮花。良久始合。尋右遷。凡

三放花。至侍郎。

趙南星

趙濟鶴太宰。以葉相國孫。口上書言事。對人曰。葉臺山有孫。魏見泉無兒。時魏廣微來訪。辭之。魏曰。我即人可輕。家亦可輕乎。亡何。魏因失廟祀。見攻。

魏廣微

魏廣微。父元貞。以清直名。廣微雖世學。經術疏畧。同烏程朱文肅。國楨在閣。河南上玉璽。擬聖諭一道。各具草。魏云。人君得天下易。得玉璽難。文肅諷其改。魏曰。某得意在此。末年媚璫之旨。駢四儷六。多元城黃立極。平湖施鳳來。二公筆。

陳長祚

長樂陳尚書長祚。以葉相國之師。致八座。相國解印。或規其引退。陳曰。雖年迫懸車。而少子求蔭。叙欲少慰之。辟如驢馬。非不願息。無奈人鞭其後耳。

汪文言

歙縣汪文言。以侍兒事縣令。施天峻。見幸。充庫吏。蝕帑事敗。逃入京。久之。黃緣太監王安。安時直東宮。因善中書舍人嘉善。魏大中。侈附羽翼。自云本武生。大中轉掖垣。於諸公前。託為異人。密託訪。隨委隨應。蓋上交冠蓋。下接胥吏。故於投合益巧。而借

援正類感慨以發舒其意。車馬如市。苞苴日進。轉應星回。大中中書善傅。櫬大中劾。而吏部都給事中。關原許。阮大鍼同縣。左光斗恐其反覆。仍計出之。改用大中。各致隙。大中中書兩句。疑有誤字。

### 括銅

天啟初。太僕寺少卿徐卿伯。括南都廢銅四十七萬餘斤。輸北京二十九萬八千餘斤。留鑄錢。俱大內各官銅竈銅溝等物。

### 黃尊素

餘姚黃御史白菴。微時。有友人丞某。懸館致之。夕嘗酣歌。令君曹谷聞之。問于丞。丞言其實。命戒之。後勿復爾。黃酣歌自如。丞去。聯捷。已曹進御史。黨逆魏敗名。

### 銀錢分定

建德鐵工某。欲往池州。過七井山。其上曠寂。忽見白金無萬數。作四堆。某熟視駭異。叩首曰。雖神。既如隻力何。且迫暮。先袖二鏹。行十餘里。宿村舍。告之。約共取。晨往。俱壘土也。袖金入池州。尋罄矣。

嘉興李同知芳。家梅溪里。貨甲邑中。偶門外遺一錢者。類織物。心疑之。俄行者拾去。

遣問則一惡錢也。同知嘆以我之富。一惡錢亦不可妄得。令易之以示後人。  
天啟初。海鹽橫山張氏。蒼頭楊隨龍。春日鋤麥。得瘞金若干。俱刊楊隨龍名。其主微  
之。不應。被榜自經。訟及主人。大挫其產。亦累死。以阿堵物。主僕俱斃。故知管窺揮鋤  
不顧者有以也。

### 佞佛殊報

硤石鎮屠者。渡海禮普陀洛迦山。同舟客某。雖積虔。以眩疾不輟葷。素卜于神不  
許。因循者六旬。元旦卜之利。至是登舟。謂風疾備脯少許。俄觸風。長年徧詰諸客。其  
人無以應。奈何以吾故。貽患諸君乎。但乞登岸從之。時抵暮。荒山榛莽。分必死。良久  
見山上有燈。意人跡。窮其所往。值途人告之。故途人謂我舟便。挈抵普陀。迅帆乘風。  
昧爽告泊。禮佛下山。而前舟方至。賊問其繇。則佛力所祐。屠者能說客姓名。  
天啟丙寅。太倉王氏航普陀。且至。風覆之。盡溺。

崇禎□□正月。大風雪。寒甚。斷舟。香客或飢凍死。

丁丑□月。杭州天竺山。香舍夜火。吾縣斜橋羅氏旅宿。以鑰其門。焚死。

### 名刺

詞林以兩雍為外任。祭酒通刺司業。稱寅弟。還詞林。不復稱寅。

給事謁內閣。投刺稱晚學生。答稱知生。御史稱職名。答稱友生。萬歷末。葉向高入相。並答知生。崇禎末。左都御史李邦華奏改御史。投刺如給事。蓋聞之黃湘云。奉旨。不知果否。

平湖趙無聲先生維寰。侍教辨曰。世俗士大夫投刺書名。但繫京秩即止。稱侍不用教字。於是。有以銅臭掛名京銜。而目不識一丁者。公然效尤。以豪于鄉里。則曰京官。體應如是。予謂不然。侍以分言。臣于君則侍。子孫於祖父伯叔則侍。子弟于師則侍。其在交遊。惟于達尊稱侍則可。平等交。何侍為。若教則無往不可。自聖賢以及葛堯工。譬苟有一言合道。一事可法。雖王公大人。亦將折節請益。而以區區腐鼠。遂為天下無可受教見解。亦何陋也。此例想起於隆萬間。吾宗約之兄云。鄭淡泉先生官銓部時。通刺吾相。稱侍。教生不稱眷。以非至戚也。先生去今未遠。要見爾時古道尚存。今同省皆稱眷。眷未足。又益以通家。而獨靳一教字。蓋驕浮日熾。古道蕩然矣。此不當責之諸銅臭。咎在吾黨。志復古者。請違眾獨特之何如。

萬歷乙亥留都部曹諸人極一時盛且脩先輩故事易子而課自為一會各因所至考其最殿而摩礪之禮部蒲州馮竹坪公子為謙年十六勞謙纔七歲兵部則興業何鐵橋公子右雍獲鹿曹嗣山子應徵應名名年十四徵年十二而雍與勞謙同歲河源李斗野子樹楨年十歲武進史禹門子志實少樹楨二年而吏部陘湯雒涇坡孫獻瑞亦七歲矣又狀元俞邦揆年十八羽林前衛李承忠年十七蓋諸公教諸子館客之子也

略問禮萬樓集

### 書法

邯鄲淳曹娥碑真蹟今在太倉王文肅家

明長說

陳叔度與曹能始論書曰有友工書尚未絕俗奈何曰筆未拙耳拙則不俗嘉興助教李曙巖原中曰凡人書法濃筆多天淡筆多壽

### 茅筆

陳白沙先生自製茅筆作大小書傳于世人莫能效之

### 產異

萬歷丁未吳縣石湖陳某妻吳氏產白魚後又過期不產一日請治平寺僧誦經祈

祐忽產一胞剖之一銅法馬也重十兩錫萬歷二十六年置

徐州吳端妻初生子。歷五十四日。忽嘔三角物數十。滌之。乃銀二錢四件。五六日連嘔數斗。合之得大錢七十五。皆有年號。

### 朱國盛朱積澹誚

天啟時。工部郎中華亭朱國盛。黨逆魏。歷加尚書銜。魏氏敗。國盛除名。鄉人朱積。因宿怨。同陳子龍輩。上書刺之。輒稱逆黨。積登崇禎癸未榜。選庶吉士。從李自成。逃歸國。盛誚為順黨。題楹曰。寬者肚皮包世界。掙開眼孔看時人。

### 沈淮

烏程沈文定相國。南司業時。魏忠賢以事至。重其才辨。厚禮之。且薦於同年巡撫。口贈遺過望。忠賢感之。天啟初。口相。口科給事中。惠世揚以太學門生來謁。勞閤人。沈光一緡。三日。終不為通。世揚恚。首攻文定去。

### 熊廷弼

輔臣丁紹軾。馮銓。上私刻像。遼東傳。因殺熊之岡。丁卒時。見熊索命。又王化貞。同熊臨訊。在道。輒賄市人。頌王詈熊。



朱國祚

王司寇紀論沈淮削籍初朱文恪擬旨未奇。上自改重。時旨出人多疑文恪脩怨。司寇曰秀水長者不至是。乃烏程構我耳。

毛文龍

天啟丙寅六月金人遺毛文龍書曰古國家興亡皆天運循環其將亡也必災異屢降各處兵起其將興也必天然護佑動而成功南朝運終死數未盡天使喪亡將軍豈能抹之乎良禽擇木而棲賢臣擇主而事韓信陳平棄楚而歸漢劉整呂文煥棄宋而歸元此皆默識天時擇主而事名垂後世自古天生帝王不念仇隙祇論功德管仲桓公之仇也不殺而相之遂成霸業敬德太宗之仇也不殺而將之以有天下今將軍縱竭力辦事君臣皆迷反受禍患南朝氣運已盡時勢已盡悔之不及文龍不報

董應舉屯田

董應舉奉屯田之命給帑金若干亟於成事出價買田業主包租董去任即廢蓋墾荒可久今本熟田何以永賴錢相國塞菴說

顧秉謙

顧相國宴魏忠賢。窮珍極異。覓奇錯四十盤。令吏四十人頂獻。上紅簽書某味出某地。又自捋其鬚曰。本宜認子。但不用我白鬚兒。命二子台碩台砥稱孫。立勞二百金。壽忠賢。文自稱通家晚生。二子稱門孫祝。

樊良樞

天啟丁卯四月。浙江學使南昌樊良樞自□□還杭州。登江岸失印。三日或得之司前石獅口中。尋出試衢州投効去。

箕仙

天啟二年五月。杞縣趙太守彥復游百泉書院。有客召箕云。淮陰侯也。以遼事判曰。好將國事與君籌。將士無心欲解謀。幸得天心猶未泯。還看英武定神州。又問又判云云。其自咏曰。當年初構未央愁。日月無光水倒流。敢謂漢恩原自薄。已令楚客作伴囚。青山不掩英雄骨。白日難銷天地憂。我欲為君論往昔。青衫濕透淚還流。

戊子山陰白洋朱氏以亂召箕。問避地之所。在鄉乎。曰不可。在城乎。曰不可。然則城鄉間乎。又不可。歷問其故。曰不在劫中人。無可無不可。

魏忠賢

太監魏忠賢籍沒後崇禎二年七月晦吏科給事中李遇知巡視內庫同各省估諸物抵文武官俸有花梨木烏木雕花彩黑彩漆黑漆螺甸各項大椅二十五上有龍文鳳彩萬壽等字問之內監云神宗皇帝寶座逆賢家籍出又諸臣上壽錦幛崔呈秀祝壽文二篇顧秉謙壽六十壽文一篇張瑞圖慶榮壽序一篇黃立極疊承恩綸序一篇馮銓祝上壽上公俚言百韻沈惟寶生祠記一首張宏德祝高壽詩一篇馮銓詩曰德稟乾坤秀身依日月光惟山寬叢葉瀛海大汪洋甲代名方大於功性自昌嶽靈生伯甫苗裔出高陽文武人稱傑經綸世待匡器含商米潤胸富甲兵強偉略高伊呂雄才壓管商粉榆超漢苑運會際軒唐已識天顏喜還知夢賚良楓宸心膂切禁苑姓名彰玉佩趨長樂金貂傳未央袍分仙仗彩袖惹御爐香疏附明離照周旋互震陽前星初熠熠幻海已泱泱羽翼商山手鷹揚渭汭祥龍飛時放鰲鵬運迹搏羊博望真師友承華賴贊襄風雲應契合魚水恰相當輔導歸仁術謨謀得智囊鼎湖口再起玉几命重揚堯舜當我世臯夔佐吾皇瑞圖星宿合令譽斗山昂曉日通丹陛春風滿玉堂儒臣開竹簡元老展青箱雉尾雲排扇鴛鴦筍列行同占卿

月皎共仰客星芒。刻表尊公望。惟壽仗子房。謨猷規聖學。紀法震乾綱。大有時方泰。中興衆所望。英才初彙拔。宵小或顛狂。管筆布鳴鳳。盈廷起沸塘。玄黃將易色。同異各胥戕。不有風雷震。幾令宇宙荒。燭龍開朗耀。魑魅息披猖。求舊存耆者。維新洗肺腸。闢門等上聖。重治法前王。黔首沾膏潤。穹玄賜福穰。苞鸞儀顛洛。寶璽見臨漳。部奏清河瑞。家藏樓故粮。天人同叶應。中外體安攘。文若擎天柱。靈鷲駕海梁。純忠扶社稷。壯志掃機槍。時下修刑政。軍興只糗糧。雁門無豕牧。雉堞固金湯。挾纊從天府。投膠自上方。律師遵約畧。驕虜敢鴟張。九戟通逃寇。一朝思啟疆。羽書連上苑。烽燧達長楊。更有機關巧。番來輦轂旁。虺蛇生肘腋。胡越隔蕭牆。兇計潛相應。梟心未可量。公車頻碩畫。黼坐獨傍徨。非得宗臣力。焉能薄海康。運籌先俎豆。決勝溢疆場。太伯隨旌指。昆吾早劍鋸。有好皆鼠讐。無賊不踉蹌。麟閣分彪炳。雲臺共激昂。有功必上賞。□□德宜償。胙土□家業。分茅在帝鄉。山河延奕葉。閎閣盡冠裳。興漢推平虜。平开實破羌。匪夷來并服。甌脫化蠶桑。九塞威靈赫。三朝典盛襄。梯航歸玉帛。瞻視肅巖廊。顧□茅茨地。盜寇荆棘□。經營勞劈畫。搏節備周詳。桐梓共槎椽。梗楠在棟梁。子來仍勿亟。農事更無妨。宸極端克冕。中天起闔閭。百靈咸受職。萬國盡趨跽。□□

龍蟠去斯千虎拜。颺嘉猷。高旦爽。大國闡。姬姜帶礪。申盟誓。威儀異壁璋。上公崇特  
進。七廟儼蒸嘗。玉綸褒。雕弓頌。什煌尊庸先後意。史冊萬年芳。畏壘多尸祝。江  
濱徧芾棠。承恩宏甲第。開宴沃春觴。嘉瑞生芝圃。輕裘解鸛。撮陬貞孟月。晴旭送  
餘涼。譯國餘玄雀。瑤池下彩鳳。上台輝煜煜。南極映蒼蒼。鼎熟珍羞味。口傾沆瀣漿。  
大官頒御饌。笙響振幽篁。雅樂登歌繞。和聲條占鐘。玳筵青玉案。丹餌紫瓊霜。王母  
蟠桃日。安期大棗觴。添籌勤海客。托戟列朝郎。壯志千秋樹。箕疇五福章。羣情勸九  
錫。獨坐引雙黃。元宰無窮壽。朝家有道長。嗟予才朽落。念我學口涼。樗散原無用。粉  
榆徒自搶。明公垂顧盼。溝斷被青黃。知己稱奇邁。褻躬竊慄惶。有懷惟鏤結。消渴欲  
膏肓。虛負雲天義。安能寢食違。啣環恩莫報。結草德難忘。齋沐通魚雁。虔誠戒管篁。  
願言千紀壽。長進九霞觴。

黃汝亨

杭州西湖立魏忠賢祠。賜名永恩。浙撫潘汝楨倡之。祠始成。郡人黃憲副汝亨。卧疾  
不可起。魏氏賤有奏汝亨以入祠。憲論被詬辱。忿死。則流聞之。悞耳。中書舍人新安  
吳懷賢。幕客程于古。偶閱邸報。塗抹之。蒼頭怨懷賢。訐於東廠。捕下獄。懷賢承之。掠

死崇禎初贈官。禍不自樂。歿預其榮。人事真不可測。

### 余煌

會稽余太史煌。事親篤孝。既顯貴。父幼美。自期進取。不拜封命。俄歲試下等。太史適家居。令赴學代朴。勉如命。宗戚中阻。改令少子往。自是謝逢掖。受章服之榮。

### 天鑒錄

錦衣□□胡岐山。太監胡良輔從子也。寓京口。往來吳越。刺探陰事。德清蔡奕琛。以置海寧中書。吳忠彥家嘉興。岳和聲。虞廷陞。合謀作天鑒錄。謂東林枉做小人。不羸東林。得為君子。列名分法。凡五百七十人。品目三日夜書成。託浙撫後牆把總□密致之逆賢。以把總其心腹也。又五千金。託岐山壽崔呈秀。謀薦起忠彥。

### 郭之琮

蒲州郭之琮。萬歷甲辰進士。歷宣大總督。常述夙生輪迴之苦。本蜀人。讀書山寺中。撥爐灰得二十五金。蓋老僧所藏。致憾死。書生亦沒。罰作馬。其主富人。即老僧也。被騎箱脅。痛過鞭笞。後轉生某氏。出胎方浴。自喜為男子。舒手連聲曰好。其家怪之。立溺死。又生郭家。念前死九歲不言。偶讀一壽文。父駭問。因詳其故。自是夙諳經史。居

官記前因勸人惜馬

### 孫承宗

先帝好脩飾言貌。孫愷陽相國嘗面論兵餉云：「肚子裏飽可戰。」上曰：「何其粗也。」問引疾。溫旨宣諭曰：「好出來了。」

### 閣揭

閣揭萬歷前不數進事關重大。命元輔祕啟多所嘉納。先帝時屢瀆視為故事。不復經意。

### 先帝儉德

午日例賜諸臣蜀扇。崇禎時寢之。待漏向憩內臣直房。供飯例酬一緡。上禁之。俱露坐松林下。賜大臣上樽。發之。或江南白酒。蓋中宮蘇人故多吳釀。

### 周或

嘉定伯周或樸謹。諸子粗鄙。雖貪恣。大不如田氏。嘗飲吳駿公太史。太史問宮中異兆。曰：「有之。少時某嫗來命出拜之。某嫗遽仆地。今想之。或不足當其拜耳。」

田弘遇

左都督田弘遇故博徒亡賴走淮安納中軍官為御史房可壯所撻免歸天津多養女御史吳阿衡巡城時納其女云貴妃女弟阿衡坐事下獄論死因田氏力得釋楊嗣昌本兵迎合田氏推阿衡邊才歷總督薊遼飲酒好婦女戎備弛廢嗣昌言其不可阿衡疏辨有云臣繼妻即皇貴妃之胞妹也又云臣陽痿不舉云云給事中葛樞糾其借援宮掖語極穢褻亡何敵入牆子嶺是日總鎮太監鄧希詒誕辰阿衡及諸帥各往賀不及備甫宴萬騎踰嶺矣阿衡起坐率裨將出禦勢莫可遏走一村堡被圍數十重越二日而陷其家在鎮亡恙弘遇挾勢黷橫朝貴造請權出嘉定周氏上辛巳來江南過金陵收子女珍異亡算故太學吳興茅元儀妾楊宛本吳娼也善琴書弘遇至茅氏求出見即脅以歸壬午道臨清幾陷敵潛免八月貴妃薨稍斂戢明年奏進其少女年十四有殊色從楊宛學琴曲不再授先帝納之數日不朝弘遇善誘致富人鬪葉子接坐決勝左右陰為地富人心懾手博竟大負至數千金弘遇立置馬廐下責進不少貸凡傾數十家金陵太學某悞餌其術一日罄產五十畝亡何弘遇卒明年長安陷田氏逃民間今為貴家妾



陸完學

大司馬太倉陸完學。協理戎政。再蔭錦衣。時太監曹化淳提督。或問其方略。曰。自去  
自來。梁上燕相親相近。水中鷗專事唯諾。竟得善去。費縣張四知代之。郊餞。請教曰。  
有四字相贈。行所無事耳。費縣初不以為然。已悉如其言。所批牘。輒曰。照行。一日。詔  
吳駿公太史曰。行所無事。貴鄉陸口翁見教。甚得力。吳曰。國之大事在戒。何云行所  
無事。費縣無以對。未幾。內閣。

周道登

吳江周相國。性木強。不好矜飾。一日侍朝。默笑。先帝見之。詰其故。不對。亦不謝。既  
出。華亭錢相國尤之。曰。已笑矣。奈何。上自此寔疎。訃聞。僅祭一壇。于牛鼻。典禮雖  
薄。猶同官幹護之。

綸命

百官馳封告勅。屬詞臣。贈官告勅。屬中翰。崇禎初。贈高攀龍諾命。許士柔擅撰。被免。  
凡京營河漕撫按鎮巡等勅書。俱累朝成稿。不易一字。或當增改。經閣臣題允。始得  
命。長山劉相國鴻訓。以惠安伯張慶臻提督京營。勅書擅增數字。下獄。戍代州。

張彙

華亭侍郎張侗初彙學行著稱。夫人陸氏頗妬悍。侍郎苦之。沙門達觀有道術。侍郎以風命問。令持咒。□□□度誦半載。當自悟也。至期。恍覺前生戀伎某。登第負之。轉生陸氏。

起居注

上初命史官紀注。後召對。漸任喜怒。慮未可示。後罷之。口日講六人。專司起居。已執政。多奉密諭。不欲外聞。仍起居注。

錢謙益

常熟張漢儒。本縣簿佐史也。陳侍郎必謙筮仕。初入幕。後忤意。榜曰革退。張漢儒不許復入。漢儒恥之。已隣人失雞。詈及漢儒。以隣屋為瞿給事式耜也。漢儒通刺自白。瞿不納。曰陳氏逐客。何刺為。漢儒恚甚。入京欲計必謙。會邑人陳履以家累逃京。師怨錢侍郎。謙益速其訟。語漢儒曰。陳益我無大瑕隙。宜先及牧齋也。又訟師單良臣。常上牧齋六字訣。曰欵曹和溫脅張。欵曹謂司禮太監曹化淳也。和溫指烏程相國。脅張指漢儒。良臣隨自泄于履謙之子。履謙改為激溫脅朱。朱蓋撫寧侯國弼也。撫

靈方叅烏程即上揭化淳。化淳大懼不欲居款。遂盡發烏程怒牧齋事。而下漢儒履謙并武舉王番立枷死。番屋本陶氏。後歸錢氏。納價又折之。恨極訴京師。

何吾騶

香山何象岡相國。以未腰玉不如意。錢塞菴曰。毋妨。雖未腰玉。人視之同為閣老。何犀玉之異。

嶺南巨宦何太宰熊祥。黃宗伯士俊何相國吾騶。陳侍郎子壯並鉅富。於桑梓不甚稱也。香山專販海。侍郎至窟盜。御史李雲按劾子壯。朝議不悅。例轉雲鴻。

程國祥

程國祥清望素著。入相後頗迎上意。啟其瑣屑。始搜民間房稅。

虞山後輩

常熟楊子常。初以太倉張采。張溥。謁錢牧齋。時同社薄其文。已采登第。溥又出宜興周相國牧齋反因之通相國。

李長庚

李夢白太宰。朝罷例揖閣臣。時方更選法。太宰述近意。倪鴻寶云云。溫相國體仁曰。

此事老先生自主與倪鴻寶無涉。

### 傅冠

崇禎戊寅六月。劉宇亮傅冠直內閣。是日直經筵。傳教陳剗暢進退詳雅。上退入煖閣。諸臣尚佇立傳。上方酌定枚卜諸臣及出門。知傅等大拜。

### 楊嗣昌

武陵相國本兵時。丁丑觀政進士。二十六人。各受以楊襄毅博集。示方略。嘗曰。今日盜熾。須十面埋伏法殲之。否則我東馳西騫。徒團走見困。而欲增兵。先議餉。議餉必加派。彈一二年之力。庶可蕩平。進士欽縣洪天擢曰。老先生策甚善。雖民力有限。果一二年蕩平。有何不可。若猶未也。民力坐困。將若之何。本兵色動。大不懌。

平鳥劉興教兵潰。上中夜召本兵問計。對曰。毛文龍牽制建州。有名無實。文龍死。留島兵無益。不如撤之。今未撤而潰。于我非有損也。明日本兵以語朝中。

翰林編修楊廷麟論楊嗣昌庸臣非奸臣。嗣昌大恨之。謂奸猶可也。乃庸我乎。出廷

麟兵部主事。監軍。謫未向疑。

### 戎備

戊寅烽火徹於京師。大司馬登城見單騎驅難民二三百人繞城而走。命開門發兵擒之。將獻俘。訊之則胡婦也。職方□□郎笑曰。且未獻俘。待吾輩用過始吐氣。工曹繕械日不給。忽命備狗麓一千。時有言獐犬最警。令登城司夜不虞掩襲。從之。宋以羅江狗為笑。世故未嘗乏也。

中府僉書謝弘毅嘗侍班。召對詞臣。某遽出奏火器不可不備。上恚曰。朕未嘗問及爾對云何。某叩謝。

### 作文法

粵東某生謁太倉張太史溥。其歷試草曰。因緣簿游塗所著曰山水志。俱就質。且懇作文法。太史曰。母炫奇也。如因緣簿仍名歷試草。山水志仍名南游草。斯得之矣。

### 王思任

山陰王思任恃才傲物。崇禎□□冬。諭停刑。是日會徐九一汧於朝房。九一笑曰。此盛德事。可謂瑞冬。王號逸輒王答曰。此亦九死一生。鄉人張汝懋其門生也。過其家。聞鞭朴聲。張曰。命奴市鴨子。云主人不在。鴨子安得有主人。王笑曰。箕子為之奴。鴨子獨無主人乎。

夢有字

崇禎癸未五月。上夢有一人書有字。以語內臣。或曰此大有之祥。俄會極門上疏言。陛下夢後。諸臣某某以為祥。臣竊以為非利。蓋有字。則大明去其半矣。云云。上怒甚。下兵科郭○跡其人不得。又下錦衣衛帥。駱養性跡之不得。霍達曰。此即賊奸細也。

武備

崇禎時。杭州各城軒廠。撫臣某命兩旁各砌三尺餘。隄其圍。蘇州城塗以石灰。以是言備。徒供識者一噓。

張次仲

張元祐曰。今人沽名釣譽。輦金輿帛。竭精殫智。終無所成。而古人或一事之悞。一言之出。往往流傳於後。反或不磨。所以人貴自立耳。

元祐論樂之實。手舞足蹈。如伍員鞭尸。黃香扇枕。老萊子戲采。皆是此意。

心竅

庚辰山西大饑。人相食。剖心。其竅多寡不等。或無竅。或五六。其二三竅為多。心大小

各異

周延儒再召

宜興再召都督杜文煥日章趨其家告曰相國聞命例疏辭而今事亟矣寇胡交誼勢不兩顧其關係在松山之師稍有蹉跌大事去矣相國疏辭即宜附密奏撤師松山回守關門蓄力併銳猶可支也若待相國入朝而圖之度行程三四月則松山墜矣關門豈能獨禦哉上待相國厚言之必聽幸速為計宜興漫應之殊不致意及入朝東師果潰而九塞之精銳盡矣都督以語吳駿公深用追歎日章博通經史二氏善五七言律

吳駿公太史嘗請事宜興如兵食河漕等當若何宜興但曰有督撫等任之並無他語滑縣魏炤乘井研陳演接朝士並曲謹未嘗涉時事井研即瑣語輒左右顧始發實皆寒暄酬應語也

孫傳庭

中丞孫傳庭勤玉獨不召見自疑懼託耳聾求免上不許陰令撫按道府偵之各稱其贖先是過易州所部兵頗恣橫辱學正□□之弟適按臣委學正伺報于是學正

報某日接某人與某人非贖者按臣以實聞下傳庭獄撫道府諸臣俱落職

### 曹文衡

剡遼總督曹文衡既削職樹坊于里忤縣官手搏其面縣官大怒杖之二十下獄

### 阮正中陰德

丙子海鹽訓導阮正中恬潔自勵署桐鄉縣事三月積千金為吳給事麟徵所重得補壽昌決歲殆四千金意覬温州同知時巡臺金壇鄧鉞出壽昌隣官某之門以八百金壽隣官某鄧鉞許之尋卒未及薦正中嘗候隣官某某為其索負苦無措正中曰某非求償者慮丈人介意特相慰藉事之不諧命也願勿再及某官原乙榜窮老止一孫命出叩謝俄巡臺來又某門生泣告其事巡臺曰此足徵壽昌賢特疏薦徵拜口科給事中正中辭巡臺巡臺曰公隱德非人所及始知某官之力也又餉以三百金不受

### 白楹園石

聊城進士白楹治園于臨清輦二石致自章丘頗幽麗德州謝太宰陞求之不與謝方典銓補楹盧氏令被寇死濟寧楊士聰詩興寄烟巒粗適意禍胎花甸杳歸魂



科第陰德

隨州程鐸。崇禎戊辰進士。授惠州推官。庚午。分考閩闈。撒棘語門人曰。吾輩進身。雖藉文字。而積德尤為之本。予記公車時。舟泊一渚。是夕北岸某家失火。有婦裸奔投水。予呼僮救之入舟。恐僮輩有他意。坐守徹夜。解衣衣之。凌晨歸其家而行。是婦見疑于夫。謂倖生。逐之。適懷妊不能明也。還母家。後舉子。岐嶷可愛。少即補諸生。雋鄉榜。戊辰同禮闈。初場稿畢。拍案叫絕。俄燭蕊燼其角。自度不中格。未謄真。步于號房。見隔坐老孝廉枯坐舉稿授之。記其名。乃程鐸也。鐸因得雋。成進士。少年來訪。懇問素履。漫以前事應之。少年泣拜曰。公真長者。吾母長誦其事。無路訪覓。今借以七藝報于願足矣。乃述母見逐之故。其冤始白。故知陰德灼灼不爽也。備叙顛末。以為門人訓。

鄞縣邵仲陟。已卯。館袁化。祝氏。赴秋闈。寓婦意挑之。仲陟不應。侍女間餽茗餌。悉却之。或婦自至。避不接。且戒祝氏童勿以語人。仲陟竟登榜。

吳培昌

華亭吳培昌。字仁和。黠貨。時歲饑。借完漕。貸富民五萬金。半私其索。營薦五十金。內

召還聖即被劾。繡謂西臺直撥之耳。凡事攜李吳昌時同舟而北。志意驕溢。癸未四月。河南道御史吳履中同嘉興曹溶給事中長沙廖國遴松江楊枝起平湖馬嘉植等集松棚下。履中曰。將來匪人玷臺矣。公等何不糾之。問其人曰。吳仁和也。各言其黷貨。以隣近未便糾。國遴又他對。時侍御史大興甯承勛以堂考次等當調。國遴諷履中聳聽之。履中遂語承勛曰。君授職來。曾被考乎。曰。前被考未實授。履中曰。君能論吳培昌則臺端生色矣。承勛唯唯云。渠事未詳。枝起溶請任之。枝起列事狀。溶草疏以承勛名上。得旨。下培昌撫按勘理。培昌道德州。見報駭懼。亟反。昌時怒言。路謂此非逐培昌乃逐我也。兼程入京。偵其事。陰代宜興揭言。路喜中人。徃徃不識面。借陷。如吳培昌事。甯承勛何曾檢之。實枝起溶等嗾使陛下試召問。則立破矣。上尋召府部大臣對訖。手勅召承勛。承勛不知所出。上曰。爾糾吳培昌能誦其奏乎。承勛惘然。上曰。即未全誦。事可悉也。承勛勉叙一二。上曰。奏不自出。當指其實。承勛服而退。各責回奏。承勛趣枝起溶商之。承勛回奏。培昌穢跡甚著。臣誼當糾。第路遠未詳。訪之枝起溶。非有他也。章上不問。枝起溶亦回奏不問。而昌時憾三人甚。托給事中常熟時敏。伺三人起居。三人謂敏同土。傾心告之。且求為昌時地。不知敏賣。

三人於昌時也會推孫晉大同巡撫。昌時嫉宜興揭國遴等有私。國遴枝起下獄。溶解官聽勘而三人尚乞援。昌時其見賣久矣。

### 熊開元

嘉魚熊開元。萊陽姜塚。言事下錦衣獄。密旨欲令都督賂養性死之。養性私語同鄉廖國遴。國遴阻之。毋殺言官。行疏救之矣。明日疏上。果緩其獄。月餘。國遴與同官曹良直飲酒。語及之。良直曰。賂受密旨。安得少泄。不佞且以聞。國遴初不為意。良直果疏上。留中。養性聞効。大恐。幾欲自殺。已絕無耗。一日。上手書詔勲武射。并及都督賂。養性益大恐。射得三矢。賜茶。養性不敢受。奏臣服罪久矣。因述前事。上不問。始自安。

### 董象恒

雲間董中丞象恒。撫浙。有綏靜之德。坐累被逮。甲申三月。許囚納贖。董購浙省在京者疏救。既輸金。旨未下。輒出獄。又浙人焚香迎於司寇門。其人爭金相詬。東廠伺得之。欲以聞。董即夜潛入獄。

### 兵疫

癸未夏秋間畿內大疫營兵半空大司馬以餉匱竟不補至誤國。

蝗蟲秀才

庚辰辛巳間山東大蝗許收蝗五十石補諸生時呼蝗蟲秀才。

佛災

庚辰二月十九日杭州錢塘門昭慶寺火銅像燦盡東廡伽藍三像土隅如故屋雖燬神製無一損豈佛之靈不及伽藍耶殆有不可解者初萬歷間賜大藏經嘉興尚書岳石帆元聲見經籤零落奉入嘉興金明寺求善手整之得不燬。

弔沈何山詩

秀水朱侍郎大啟弔烏程沈尚書演尚書亡子客至不具賓禮感賦一絕術士俱傳不死方臨期一著費商量無生無死原無用莫向留城學子房。

武塘詩

嘉善進士徐遠負錢相國子錢因責進遠致相國書附以詩得好休時便好休蘆花滿地燕飛秋黃鸝唱晚日西落幾見門前水倒流相國返其書題曰馮君滿用一帆風波復推波滿眼中莫笑寒巖無暖氣三春花柳總成空。

孝陵碑石

辛巳。孝陵重立神烈山碑石。戶部給石價四千金。石出宜興山中。實七白金。

劉宗周不捐俸

劉念臺先生工部侍郎時。烏程倡百官捐俸助馬。先生獨否曰。朝廷以此養廉。不宜自薄。

市陰

烏程朱文肅相國。國楨。同年僉事朱汝器。雅相厚。非族也。文肅薨。少子中書舍人紳。利汝器子謙之金。許廕叙。而紳以劾郡守朱大受疏六上。大受發其私。又文肅祖墓在長興。守者朱國彬。盜宰木。見罪。冒族父名。許紳市陰。下紳刑部獄。死。紳嘗買伎俞楚烟。以櫬歸。

借屍脫囚

崇禎五年。高平典史張□□悅囚婦許氏。借丐婦屍為許氏。陰匿於官舍。秩滿還富平。隸人發其事。逮張至。抵死。

南內盜

辛巳十二月。南京大內西宮火。以盜利其銅火之。

壬午四月。盜秘色瓷器五百件。

收生婦

庚辰九月癸未。收生婦。王氏孫男李化龍。王化姪錢天祐。俱着與官。帶總旗。兵部知道。

清豐義士

壬午。北兵陷清豐。執知縣馬中驥。諸生某力救之。非令君也。乃歌者。中驥果以歌免。某被殺。

沈允臨書屏

姑蘇參議沈長情允臨。幼子與徐太史勿齋。沂議姻。或惡長情。以徐館選。必絕婚。得之。長情拈古事書屏曰。長慶中王起。知貢舉。欲以白敏中為狀元。嫌其與賀拔甚。往還密令親知致意。敏中躍出。悉以實告曰。一第何門不可致。奈何輕絕至交。相與盡醉。起聞之曰。我比祇得敏中。今當更取賀拔甚矣。

梁州杰故嘉善丁清惠公賓。奴產子朱姓入塾補諸生。以黠滑忤主除名。出亡。遇山西梁某。父事之。挈歸。冒梁氏籍。登辛未進士。應咸陽曹縣令。好貨。謫死揚州。州杰初第刻稿。瞽瞍北面而朝之。其文有曰。謹具田間大老。奉申天子親家。時以為笑。

陳美發

上虞陳木生太史。居鄉豪逞。實怨閭里。壬午家大疫。止一幼孫。召餘姚醫者史繼煥。史至門。若神鞭其背。謂彼黠橫。不當療也。因仆地而蘇。幼孫殤絕。

陸員外贈妾東

嘉興梅溪里李明嶽無子。平湖陸員外嗣端澄源贈以燕姬。東曰。北地佳人。盈盈甫笄。東方才士。鬢鬢有鬚。割我下陳。侍卿中帷。鵝柳之長條。初折梅溪之遠黛。方新紅拂善相李郎。庶幾俊眼。黃衫使助霍女。洵是奇緣。拜姑嫜身乍分明。叙姊妹心休見別。豪豈同於換馬。喜或媿於乘龍。曉發棠舟。只合漫歌河畔柳。夕開油壁。想應歡見畫中人。陳媛咏舊宮詩。我不更逢山下。杜老賦新婚別。君其倦問水濱。時欲聊採微芹。以充合卺。願言種玉。用慰推雲。

王介人還妾

乙酉九月梅溪里王翊買妾張氏。蓋難婦也。明年丙戌夏還其故室。作滿庭芳詞題帕贈之。九月冰衾。三春香袖。客遊多負蛾眉。一魂自守。掩抑待歸期。私惜閑情半枕。宵征蕭。星影相宜。殘酒柔聲附耳。片刻倩郎陪。窺窗今未幾。旋傷遷次。對眼看離念堂前去燕。故壘重棲。珍重紅樓小帕。沾餘屑。檀氣維聞。新詞與能將好夢。寄我數行啼。中多悽字

### 江南邊聲

癸未春夜飲張巍山先生留署中。聞行歌者歎曰。此邊聲也。乃在江南乎。今思其言。即早有伊川之料。

### 三區方畧

南昌黎博菴元寬督學兩浙。癸酉七月大考諸生策問三區方畧。多不能對。蓋吾浙參將四。各分一區。曰浙西。曰寧紹。曰金衢。曰溫台。時浙東悉海盜。

### 馬王

燕伎馬王擅美北里。山陰余狀元煌欲娶之。偶朱錦衣席上侑飲。歌琵琶記中滿城中許多公與侯。何須羨狀元。余意頓阻。



陸澄源刺黨

山陰都諫陳爾翼。黨逆魏除名。于錢塘西湖候陸員外澄源。問近况。云有甥女。陳曰。君遂作公公矣。員外漫聲唱曰。公公一日登九五。福自天來大。此劉瑾傳奇語。陳慚而去。

薦脩

崇禎末。士大夫苞直。輒千百金。苦于賚重。專用黃金美珠。人參異幣。時都門嚴。過而徑竇愈廣。癸未大計。錦衣衛南鎮撫司僉書。山陰朱壽宜。為鄉戚寄進累羨。餘八千金。世事可知矣。

都諫娶娼

雲間許都諫譽卿。娶王脩微常熟錢侍郎謙益。娶柳如是。並落籍章臺。禮同正嫡。先進家範。未之或聞。

巡臺私從

巡按向獨身赴任。祖制行李八十斤。出不馬。食不鵝。今遺規漸盡。惟單行如故。崇禎丁丑。邑人葛徵奇按廣東。携一庖人弘光初。沂州彭遇臆按浙。至攜全家。

鄭芝龍

鄭芝龍。少亡賴。走日本。小名鳳姐。年二十一。從李旦還閩。航海行劫。嘯聚頗眾。同輩二十餘人。莫適為長。各約投甌于海。不沒者為雄。獨鄭芝龍投甌不沒。眾因推戴。常值颶舟覆。及風息。舟之貨俱在。按宋福州鄭廣。以海寇授職。對郡寮吟曰。鄭廣有詩。上眾官。文武看來總一般。眾官做官却做賊。鄭廣做賊却做官。滿座慚喙。不謂今鄭氏萬倍于廣也。

誦經滅蝗

本兵楊嗣昌請誦法華經滅蝗

追封母后菩薩

崇禎十三年。追封孝元貞皇后曰智上菩薩。孝純皇太后劉氏曰顯仁九蓮菩薩。

癸未選館

癸未九月望。廷試貢士。傳臚訖。以守令闕人。命進士咸觀政一月。閣臣請館選。奉

高皇帝位于閣中。示其無私。非制也。嘉善沈宏預選。俄易魏學濂。魏學濂壬午舉

南榜樹旗于門。顧孝廉之名義。紹忠節之家聲。私印曰一門忠孝。

海鹽陳梁弔子一詩。扁舟弔子一。無言意黯然。手持一端葛。為致阿母前。子一曾過我。貽我絕命篇。竟置不讀。一讀淚涌泉。初念死即死。轉念誰能堅。責人莫太苛。子一亦優焉。不如子一者。高車何軒軒。

華亭李雯弔子一詩。亂世身名可自由。恨君不及鄭台州。劇秦新論何曾草。月旦家評總世仇。

錢幣

崇禎時錢法日壞。薄小如鵝眼。行葉南京禮部右侍郎。錢塞菴入相。攜戶部夾鑄錢若干。欲上之。為烏程所阻。

癸未冬。錢法侍郎□□請禁萬曆泰昌天啟錢。止行崇禎錢。而崇禎錢少。一時苦之。都市常曰。拿崇禎來。或應曰。崇禎能有幾日。識者知其非祥。

降級

崇禎末。中外官降級甚多。仍陞遷如故。帶降級字。惟守令必開復得轉。咸歎淹滯。巡按山東監察御史陳□降九級。書奏云。巡按山東監察御史降三級。又降三級。又降

三級臣某松江知府方岳。貢歷十四年。歷降三十口級。夫御史七品。降九級。郡守四品。降三十口級。幾無容地。而猶衣豸橫金也。章服不足榮。功令不足畏矣。六朝時。降罰白衣領職。豈謂是乎。

### 訓儲

先帝好學不輟。其訓儲亦然。一日宮中有慶。暫假語閣臣曰。東宮又荒疏。四五日矣。見忠節麟徵家誠要語。

### 閱武

先帝力能開勁弓。外解弓弩。多駁回。所頒行間皆不能用。造甲每利矢陷之。駁回。於是甲或厚一分有餘。過重難堪。玉堂薈記

### 孝陵樹

崇禎十年。脩孝陵。凡樹萬有二十九百五十七株。刪枯樹五百八十六株。

### 後湖

崇禎四年。脩後湖冊庫。柱刊匠人名氏。十年不壞。始免議。

### 陳際泰

臨川陳大士。深於經術。盡日可草制義三十首。選貢。庚午舉於鄉。甲戌成進士。授行人。年六十五。猶善酒。御內。卒。已。送金谿。蔡相國之喪。卒于家。

撫州人。因大士之教。生徒立業。俱尚。敏。卒。已。嘉定侯廣安。洞曾。視學江右。正考。儒童。訖。仍大收。限試七義。稍欠。則加杖有差。他郡少者數人。多或數十人。惟撫州九百餘人。患其衆。特簡七日。曰。日月星辰。曰。龜鼈蛟龍。曰。鳥獸魚鼈。曰。干戈戚揚。曰。麻纓。曰。江淮河漢。曰。梓匠輪輿。共錄四十人。以額實不勝收也。其減責者僅二人。

### 凌駟

李建泰。王錫哀丙子主南畿試。時各省卷磨勘。各有停革。建泰等計必不免。遂自語禮部。以凌駟。桑芸。停科。芸年二十二。駟稍長。命下。駟除名。停芸三科。駟不能還。訴建泰。生雖不敏。奈何以駟塞責也。建泰語阻。許館之。殆百金。且任其完復。庚辰不復。至壬午收籍。癸未成進士。建泰出師。上問贊幕者誰也。舉駟。任兵部職方主事。建泰為順賊所執。偉其貌。知李姓。拜稱皇叔。閉深殿中。賊去。清人入大內。開殿。得建泰。仍相之。與涿州不合。引去。而建泰之督師也。山西□□為裨將。幾被僇。憾之。至是誣告。建泰通叛。逮入京。鞫之不實。某生誅。建泰得宥。駟事弘光朝。拜御史。巡按河南。至歸。

德度不支夜自經

王漢

嶧縣王漢丁丑進士。嘗與同年包長明訪陳大士云。先兄已無辜。恐身亦不良。死大士曰。曹操赤壁之戰。足下且為荀文若何也。王應秀其元

丹銀

沁水張都督道濬。好方術。謂丹客俱給。人偶平陽人傳方。試之並驗。都督欲授。余不應。又有小方。日得一環。吳興茅止生維。請其法。遂廣作之。謂余不妄作者。傳之日。佐薪水可也。余辭曰。寒士命厄。正惟是半菽不充。藜藿無措。若日享一環。則腹且果。然豈上天見困之意哉。嘗見裨官家言。吳人某好丹。偶延方士某。試作黃白。殊驗。特宴之。方士某纔舉箸。頤脫。此事往往多陰譴。僕雖長餓。不願聞也。

金箔

宋杭人周承裕。私鑄金為箔。鄭仁澤市千枚。轉鬻他州。事敗。全家徒配。轉運使陳堯佐言仁澤情同罰異。不可懲奸。乃定轉賣者減造者一等。著為令。田汝成

按秦漢以前。餽賜多黃金。江左後。白金盛行。宋人謂黃金之耗。在于佛像。夫佛像固

足耗而今日之耗莫大于屏幃榜署箋箋器飾之類歲耗不可勝計如金陵蘇杭製扇徧天下其糜金箔何限恐佛像不足當其十一也推此一端律以宋事庶乎有警

### 時敏

初餘杭大滌山洞中有異人寓焉不知其年月云吳人也嘗出游值筆賣為吳中故人相語舊云能見訪入洞初黝暗勿自阻即得達矣當有以少報久之筆工尋山洞如其言深入劃然天開見異人坐石牀迎接甚至謂子貧或外人託問未來事可以助給朝夕也於是屢往來焉常熟時敏子求亦託筆工致問云功名歷歷第甲申三月十九日切勿在京師敏成進士除海寧令對所善諸生若輩游宦亦囑以甲申三月十九日切勿在京師因述前指敏調安陽又調固始邑婺婦某擁資數十萬居鄉時寇警招之入城令捐助先後不貲迨寇逼驅婦出城被難因籍其家已遷口部主事給事吳昌時求預考選召對上臨門手注御史出語人曰貓頭補子豈人所著則宜興密揭改兵科給事中甲申正月調金華守上書自明又得留尋從賊除巴縣令御史蘇京除四川防禦使敏即脩謁盛飾短後衣長跪已遁歸昔鄭相如告鄭虔曰天寶十三年逆臣僭亂當得偽官願守忠節時開元三十年也後安祿山反虔陷

賊署水部郎中。虔念其言。稱疾求攝事。平。虔減死貶台州司戶。夫天寶十三年。與今之甲申三月同。二子獨不能預避之耶。亦何貴于前知。司戶亡論。敏且外遷。適當其幸。至上書乞留。豈非溺于津要。附宜興未足。轉于附賊矣。

### 吳之俊五議

南渡初。口口諸生吳之俊。上史相國五議。

漕糧兩石。而運一石。今湖廣江西順流而下。浙直一水之使。俱數日可達京倉。漕糧在湖廣。令楚鎮撫對支。在徐泗淮揚。與淮揚鎮撫對支。在九江安慶。與江西對支。某地鎮撫。在某地對支。或對支鄰近盈餘。即解京倉。在昔水耗。緣途運維難。京倉存積數年。故有鼠雀朽腐之額。今糧本年支銷。所存京倉幾何。過夏令。一之耗足矣。對支可無耗也。浙直兌例。每缸正米三百三十石。凡百加九石八斗十斛三升。一缸月糧四十金。行糧十六金。每石蘆席車脚茶果常例之費。二錢有餘。而湖廣江西。耗有加六加七之異。使費倍之。歲缸小脩三年。大脩五年。大造又外帶六十石。每石水脚一錢五分。耗米加一之五。更無他費。則今日四省運糧京倉。途近軍便。較之遼糧。可以類推也。白糧三石。而運一石。獨蘇松太嘉湖五府有之。共二十萬十七石。例耗米三



斗春辦二斗六升。本色四斗。折色四斗。折銀二兩。嘉湖水脚。每石六錢。雜項之費。不與焉。今奉旨。明年改折。二年正額外。即餘米十萬有零。以佐軍興。

九邊已絕。□□來年。南京概給新引。兩淮仍五錢六分。兩浙每引四錢。浙鹽計四十萬引。淮鹽正浮額八十餘萬引。除湖廣河南殘破。少行約三四十萬引。每引又庫價二錢三分。淮浙可得四五十萬。補正供之不足。

松江綢布三匹。而致一匹。今宮寺不過數百人。所需幾何。官布亦便。綢布十有餘萬。編番解戶。諒助貼價。折可十萬。

大派改造。祖制十年一派。係浙直福建十八府。並廣德州。供織上用。如金花緞。大紅錦。每匹至二十餘金。又鋪墊一兩九錢。共計十八萬匹。又細造六十匹。如虎豹緞。每匹七金。鋪墊一兩二錢。□□□□皇上登極。例有□□團花。亦應動支二十餘萬。更有龍袍。妃服。綾紗。黃白絹。並鋪墊等項。共三百萬之額。或動支于四司料價。或動太倉料價。或出正倍額辦。不一而足。再如天啟問題。加遼餉七百六十萬。剿練二餉。浙直廣福江西五省。亦約一百四五十萬。而罔馬折價。河工。見存典稅。雜稅。金花。及十庫茶蠟。顏料藥材。諒酌上供。猶可變通二百餘萬。東南財賦。現在十萬有餘。而

漕米幾三百萬不與也

顧錫疇

崑山顧宗伯瑞屏。乙酉九月。父被難。航海至溫州。入闈。隆武朝。加太子太師。仍禮部尚書。命聯絡浙直士籍。十一月。復至溫州。因募兵乏餉。欲徵魚稅。巡撫盧若騰。總兵丹陽賀君堯。爭魚稅成隙。而君堯部下毆諸生。致諸生洶洶。宗伯遂疏。叅盧賀兩公。丙戌三月。宗伯復命。宿江心寺。君堯夜遣人殺之。

趙庾

吳江趙庾。字渙之。崇禎甲戌進士。隆武時。文選主事。遭亂。祝髮為僧。遠游天台。習禪學。素不顧家者二年。子遣候。或言其子應省試。曰此多事。已鄉舉。曰又多事。終無所嚮。時吳江某村廟。流言武當真武之神駐節焉。香火驟溢。改創神宇。其僧積鏹數萬。趙氏子孝廉。濶利之。許于巡臺秦世禎。謂有張角之孽。事下蘇州同知。或走天台。邀庾還家。阻其子。庾不得已。同二僧來過平望。值風舟覆。救出。庾俄坐逝。

陸禹  
疇記

獨足鳥

新安陳文遠。崇禎中。遊于山陝間。西北有鳥大如鳩。獨足。千百為羣。每集處。不旬日。

流寇入寇號為吾家鳥時射食之味腴又嘗見空中飛銀大小不一相擊撞有聲人以石中之亦墮地餘不知所往

### 朱積離魂

華亭朱積以庶常遊南常疾甚魂冉冉自榻出升屋上若前列雙燭身東向燭即東身西向燭即西竟日魂徐下入所寢之東南隅見身隔于榻並榻卧者不知為何人也如是三日忽欲溲借卧者溲焉時扶掖甚苦久之魂登榻並卧又不相屬少間同年某移飲榻次約明年燈夕偕游答之曰我願甚但未知彼許我否同年駭別魂離二十七日始合體而愈因歷歷為包長明述之

### 修志

范石湖吳郡志成欲刻時有求附其事于籍而弗得者譁曰是非石湖筆也守惲莫敢辨亦弗敢刻以書藏諸學宮見汴人趙汝談序中崇禎初海鹽教諭平湖趙無聲維寰以脩我縣志見忌濱行東子曰不佞故以痴癖為不知者所詬厲不意世間亦復有如不佞者亦更有如不佞之知兄者德不孤必有隣信矣

### 備養

有賈江北者。募二傭背其裝。先行各與一金。嘗午飯旅舍。忽失二傭。意其遁。出傭券示舍主。舍主曰無妨。彼非傭也。本兄弟。俱諸生也。俄至問之。值母生日。資力金為壽。上一觴耳。惜失其名氏。周公貞記

逸詩

丙戌六月七日。搗李屠用明走幽橋村。值木鐸老人挂太祖高皇帝聖諭牌。因絮語道側。雪涕而別。似毘陵人。舟泊有兒鼓柁。用明詩紀之。不載。  
學使李際期。試金華諸生。或題牘曰。滿州衣帽滿州頭。滿面威風滿面羞。滿眼干戈滿眼淚。滿腔忠憤滿腔愁。

誡日疏

戊子正月。嘉善錢相國誡曰。釋行門正志。備齋疏曰。竊以久莫久于無量壽。奚誇上古之橋。永莫永于一刹那。好納須彌于芥。蓋謂仁者必靜。靜則有常。吉士多求。求止于道。若夫善頌善德。總屬虛譽之事。不騫不崩。亦是過情之願。斯尚不可質諸正人君子之前。又曷敢昭告大覺世尊者耶。但願身雖幻有。借假可以消真。時雖駛流。不遠即是常住。仲尼之欲無大過。猶須假我數年。顏子之殆其庶幾。政在不違三月。况

乎。黑業多而白業少。尤宜更事懺摩。人心危而道心微。頗用克勤精一。孰謂延齡非  
進德之基。而攝生非薄德之地也。茲者歲添一算。乃宜喜宜懼之交關。事且百歲。覺  
為人為己之相間。人則慶鄉老而兼國老。我則憂未解天下之倒懸。人或慶爵尊而  
暨齒尊。我則憂難慰蒼生之缺望。畧弛刻責。便墮自寬。財失思維。遂憐昏弱。由是布  
良馬之視鞭影。直爾長驅。效野□之去尾牙。猛然大奮。幸爾落日之方可想。會且形  
就而神和。觀河之見不殊。何妨年變而月化。伏願自今已後。寒威徹骨。梅花識天地  
之心。和氣滿懷。穀種播聖神之德。已用諸河之水。不消口吸。西江既睹。夜半之星。何  
俟身藏北斗。試看春風澹蕩。象牙點點。雲雷華。秋水澄清。珊瑚枝枝。海波月。

人瑞

歸化縣晏景生。洪武壬戌年。百有二歲。

合州楊小彭。年百三十歲。喻尚書時有詩。

永康徐伯敦。嘉靖戊午。百有三歲。郡守李□問其故。曰無他。第寡欲耳。

莆田林貴生。宣德丁未卒。嘉靖己丑年。百有五歲。朱永崇。吳大猷。陳居竑。各年百歲。  
義烏陳世泰。萬曆戊寅年。百有六歲。或題其門。壽域天開。眼見六朝盛事。老人星現。

躬逢百歲中秋

長樂郡庠後圃者。生弘治癸亥年。一百歲。老亡子。

五雜

慈谿劉伯祥。嘉靖辛酉鄉舉。隆慶辛未進士。歷江西按察副使。年百有八歲。

尉氏趙宗。年百有二歲。

密縣樊福。年百有十四歲。

丹陽劉伯淵。嘉靖戊戌八月生。戊午鄉薦。己未登第。知海澄。憂去。起補臨川。又憂去。歷什邡。湘陰。甯陽。餘杭。屢罷。屢任。不滿十月。以生母沈氏告終養。崇禎十年。伯淵百歲。兵部侍郎王業浩以聞。命補近縣。滿歲。即褒封。于是授英山縣知縣。三月。即貶封。餘姚社一。年百三十八歲。尚為人賃。壽萬曆。□□有司存恤。

崇禎三年。四月。詹事。黃士竣。言親齡望百。求省侍。許之。仍令有司存問。

崇禎丁丑。休寧孫元新。年百三歲。見陳眉公像贊。

丁丑。五月。進士。鄔明臣。言其祖必信。嘉靖戊戌生。今百歲。令下部旌禮。

私謚

秦和蕭尚仁。洪武中。以賢良召。平門人。私謚貞固先生。

宣城貢信之一名悅世稱南湖先生私謚貞恪。

湯谿胡榮希華居家孝友門人私謚文莊先生。

浦江鄭洵嘗代兄濂死私謚貞義處士。又鄭淵仲涵徵君私謚貞孝處士。

崑山殷奎孝章咸陽教諭私謚文懿先生。

東陽馬濂原清官山東按察副使鄉人私謚孝廉先生。

宣城陳迪禮部尚書殉難郡人私謚靖獻先生。

瑞安卓敬戶部侍郎殉難宣德中劉球作傳私謚忠貞。

鄞縣王用賓舉文學授休寧訓導太祖試鍾山雨霽及泰鶴二賦命供奉翰林以

教授卒門人私謚清節先生。

義烏王祿有學行門人私謚孝莊先生。

金華劉履坦之洪武中私謚貞恭先生。

崑山龔翊大章以金川門卒避靖難去之門人私謚安節先生。

黃巖應宗祥尚履諸生也好學工詩文門人私謚文貞。

吉水解晉私謚文毅見胡儼祭文中。

仙游鄭照孔昭。正統間。以監生令安遠。韓巡撫雍稱廉官第一。卒。鄉人私謚清介。  
蘭州段堅可。久景泰甲戌進士。南陽知府。成化甲辰卒。年六十六。門人私謚文毅。  
華亭張瑀仲圭。黃縣訓導。子口貴。贈尚書。學者私謚貞孝先生。

無錫秦旭景暘。父嘗讀論語。君子以敬。曰此萬金良藥也。行已接物。一以為準。及卒。  
友人李舜民等。私謚貞靖先生。

海寧祝萃。口口成化甲辰進士。廣東左叅政。門人私謚文慎先生。

福甯劉鐸彥振。成化中。歲貢生。訓導仙居。歸養母。喪葬如禮。有雁來巢。及卒。學正閔

鶚私謚曰貞孝。

福寧盛仕春。仁仲。弘治中。訓導泗州。耽書至忘食。淹貫百氏。有失則悔。書以自艾。年

八十一。鄉人私謚文柳先生。抑字 疑誤

閩縣何廷議。南安府同知。鄉人私謚夷穆。

閩縣鄭餘慶。定海知縣。卒官。定海人私謚曰恭孝。

泰和王翥九達。文端公直。五世孫。少遊王文成之門。嘉靖中。教諭莆田。本師說而不

遺格物。卒官。門人私謚貞穆先生。



高要崇德子脩。早出陳白沙之門。廉介有氣節。舉于鄉。知沙縣。諭民十事。隣士就教。延禮之。廣諸生額。卒。官。士民聚哭。私謚古廉先生。

海甯衛指揮使王佐。私謚康毅。見徐咸謚議。

金華陸震汝亨。正德。進士。兵部郎中。諫南巡。杖卒。門人私謚忠定先生。

華亭何震汝元。官。教諭。嘉靖中有司祠之。私謚。先生。

華亭馮梅。性至孝。母浦氏疾累月。每夜籲斗求身代。母獲瘳而海以瘁卒。里人私謚苦孝先生。

吳縣杜瓊用嘉。篤孝純德。有司屢薦。輒辭。年八十餘。門人私謚淵孝先生。

吉安曹嶼東石。正德戊辰進士。官建昌知府。門人私謚文節。

江都葛澗。以諸生編國朝人物若干卷。私謚正學先生。

慶陽李夢陽。卒。門人私謚文毅先生。

南陽王鴻漸。進士。官四川按察使。私謚貞惠。

山陰汪應軫子宿。進士。官江西按察僉事。私謚清憲先生。

尉氏左國璣。正德丙子貢士。有文行。門人私謚貞孝。

鄆陵鄭友諒誠甫。膺貢。麻哈州知州。門人私謚簡定先生。

無錫王問子裕。嘉靖戊戌進士。廣東按察僉事。退居湖上。翰墨自娛。門人私謚文靜

先生。

漢陽張緒文倫。嘉靖進士。南京吏部員外郎。家居講學。友人私謚介肅先生。

瑞州胡用賓其佐。門人私謚誠行先生。以子維霖貴。贈浙江按察使。

慈谿顏鯨應雷。嘉靖丙辰進士。官太僕。鄉人私謚正道先生。

海鹽徐州德安。才識超卓。所著匡章論。均田議。華山移賦。私謚穎發先生。

王來子長。力學性剛。早卒。私謚直敢先生。王文祿集

海鹽吳昂德翼。官左布政使。私謚文愨先生。

徐獻忠。官奉化知縣。王文美。私謚曰貞憲。

銅梁李□號柏山。膺貢。任奉新縣丞。好讀書。友人張佳胤私謚恭懿。

慶雲楊粹夫。歲貢。任玉田訓導。卒。官門人私謚靖節。慶雲縣志

高郭黃秉石。福左府長史。恭王甚禮之。父可大。推官。恭王私謚順德。

南城鄧元錫。貢士。薦授翰林院待詔。門人私謚文統先生。

陽城張慎言。萬曆庚戌進士。太子太保。南京吏部尚書。私謚端懿。  
嘉善錢士升。萬曆丙辰進士。禮部尚書。兼東閣大學士。私謚文貞。

### 朝錢牧齋

或題虎邱生公石上。寄贈大宗伯錢牧齋。盛京榮歸之作。入洛紛紛意正濃。純醯此日又相逢。黑頭已自羞江總。青史何曾用蔡邕。昔去幸寬沉白馬。今來應悔賣盧龍。最憐攀折庭邊柳。撩亂春風問阿儂。

錢公出處好胸襟。山斗才名天下聞。國破從新朝北闕。官高依舊老東林。

### 夢卜

國初龍溪林弼。元凱。元至正進士。授郡幕。洪武二年。徵脩元史。舊名唐臣。以國禁改。出知豐城。誣逮。次湖口。夢木人口眼俱動。意恐不免。後御筆休問。休於字為木人。而問字草書如動像。弼終登州知府。

黃巖林侍郎一鶚。任江西布政。中元日晝寢。夢享婦人祭。覺所享尚在喉間。并里舍。歷歷在目。命隸跡訪。果某坊老婦祭夫也。問祭品及婦忌辰所服。具如夢中。忌辰即公生日也。

弘治中口趙璜計偕。夢得詩。風光在閭中。謂必登第。竟乙榜。授閭中教諭。

餘杭李春芳。通經力學。夢廷對第一。頗自負。竟因秋闈。明年丁未狀元。興化李春芳也。同名氏。

蘭溪趙志高。久潦公車。偶夢唐狀元汝楫。程探花文德來訪。俱鄉郡先達也。婦笑其老。孝廉妄覬。隆慶丁卯北上。邑令餞。諸孝廉獨趙不速。明年戊辰榜眼及第。

嘉善丁賓。夢謁拜程明道先生。後宰句容。入上元公署。拜折竿祠。果如夢中。又隆慶辛未成進士。初過濟寧。榜人慇懃加等。云夜夢人呼我迎工部。驚寤無所見。已夢烏帽者登舟。其公乎。果歷南京工部尚書。

福清葉相國向高。少時禱於石竹山。夢人語之曰。事君能致其身。不省所謂。再求明示。遂再語曰。腰繫是白玉帶。

仁和鍾化民。父夢其官至洛陽橋。初令惠安。脩洛陽橋。得舊碣。曰維新。即公字也。意應之後。開府河南卒。

上海夏景華。萬曆辛卯秋試畢。夢人令裹銀五分。出東門。值某色衣者。陰投之。求提。景華雖不以為然。姑戲之。所裹銀紙。書姓名求提。果值某色衣者。投其袖中。彼不知。

也其人晚解衣得銀云云亦笑而置之其人適書榜主司折卷云夏景華未定也其人適書上遂不易又陽城李養蒙丁酉山西登榜亦畧同俱戲為之非有意也萬歷癸卯漳州陳口夢福州林汝椿榜三十一名已次之初場連席因告之汝椿果雋陳不錄丙午登第俱三十

泌水張銓計偕時夢判事歷大馬司而止既司理保定夢官舍曰兩是亭設座三為楊貞肅繼宗許忠節遠揖公曰虛一以待然須他日今少有疑事相煩耳出案牘判畢目送於門曰後會有期醒而記有鬼訴人殺之判曰鬼殺人殺鬼足相當矣擢御史以屯馬按漢中修諸葛武侯祠未及勒石公子道濬夢武侯求絕以告公撰記財半稿未就

陽城張慎言萬歷庚子夏忽夢社友王仁同捷以仁入棘而非其才丙午張登榜值報者王仁因悟前夢庚戌廷試夢有憐君千里桃花客愧我三家村裡人之句果第三甲出身御史時忤璫戍肅州夢紅梨花為歸期崇禎初賜環道河東兵使餞之演紅梨花傳奇不覺追歎

上虞周夢尹中丞微時禱仙姑洞夢贈絕句三年到此媿無功栽得桃花滿院紅仕

罷不堪收拾去。一齊分付與東風。後令永新署壁前令刊所作。

嘉興高斗光夢捷報其名。方自幸。報者又云非也。君乃道素。當在後。因改名道素。已未進士同榜。嘉祥高斗光。

平湖徐在中。禱于少保祠。夢少保語以關聖同宮。後守廣州。逮入京。五月十三日棄市。相傳關侯誕辰也。

嘉興張駿徵夢入宮闕。如王者。則閻羅天子也。出見作禮。求師其子。辭母老不聽。乃以公子治春秋。非我習也。召吏按籍。始責攝者。慰駿徵出。甲戌成進士。

肥城書佐刁守宗。夢閻羅王取八十人。寫七省輪迴冊。分黃黑。總數十萬人。八旬而畢。送萊州。謂中丞從治。四月二十日巳刻蒞任。守宗以驢往。城門千人。部校三四十人。惟闕正將旗鼓。軍容甚盛。導馬八匹。入公署。見中丞於內室。几列二書。劍一。研一中。丞報書治裝。飲菜豈湯。即檄豐都之任。各神郊迎三十里。進臺投冊。守宗以語人。不信。四月十六日午刻中丞中。殿卒。

蒲州韓承宣。蒞仕歷城。邀其姻王衷一往。衷一夢韓印其衣領。及濟南臨。韓以人雜果印其衣領。迺歸。

沁水王廷謨崇禎庚辰進士。初夢蕙花置席。又同故僕王斗語。不以為意。及登第。榜鴻臚寺報名。見左如鸞。王斗生次之。始悟。

鄂縣包文燁。崇禎庚午。初場偶倦。夢韋馱神曰。文雖佳。以啖牛炙。投大則中矣。然數許遲三科。壬午始捷。以遺才第一領試牘。為風颺去。無可跡。欲另騰卷。方過他所。有老嫗從樹上拾之。嫗夢神語。此貴人物也。完好如故。

沁水孫如玉。夢壬午天榜。首陰隲科三人。行德科四人。才用科屯田科各若干人。詳著如著素履。倉卒間。止記第四人韓姓。又榜暴戾恣睢若干人。貪淫無度若干人。詳著如前。或硃筆書脩字如玉。列貪淫中。驚寤。是科第四人果韓姓。

濟寧陳孟脩。家闕將軍廟側。崇禎時。回子數十人。謀毀其廟。厚市旁屋。孟脩獨不受。謀復之。被毆辱。不自覺痛。旬餘體平。夢周倉曰。與爾二羊皮。及起。傷目始瞭。嗣後孟脩弟卧廟旁。聞將軍語。周倉曰。爾礪刀。我將僂諸囚。亡何諸囚以他事闕死。乙酉清人開科。孟脩夢周倉從試。果聯捷。

嘉善陳舒。癸未歲。夢神付七題。而身所衣衣冠。非所制也。清朝己丑。南宮七藝俱出。宿構。

萬曆六月戊午。夏予赴都試。道宿舟中。夢入大朝。帝臨殿。東宮皇孫以次左立。問安邊之策。或請南遷。予方欲爭之。俄飛塵蔽天。云京城陷。頃刻潰散。不知所向。曉以語同人。各笑其妄。甲申聞變。追憶前夢。雖草野不足道。未始無驗也。

### 硃墨預兆

東陽趙明欽。萬曆乙酉鄉舉。明年成進士。歸娶。乙卯主試貴州。還途聞鄰婦哀慟。曰。跡之其夫故。諸生忌日也。下世年月日。正趙生期。怪問其所遺書。出其稿。即趙聯捷之試墨。

廣德文應試。崇禎庚午登科。歸拜舅氏。纔沒。見懸梁遺稿。啟視與朱墨不異。後應試。易名簡。辛未進士。

夷堅志。溫陵葉文鳳。登進士。官天台簿。遇生日于邸舍假寐。夢人請喫麻糍。既覺。聞鄰婦啼哭。問之曰。亡兒忌日。作麻糍祭。享感泣耳。文鳳問其所業。曰。業詩。命取其舊業視之。與葉及第程文一字無訛。因拜姬為生母。奉之別所。今再見于趙氏云。

### 排調

平湖某翰粟納監。且買姬。或戲之曰。偏房花燭。夜銀榜掛名時。



豐吏部南禺坊游妓館題之曰虫二。謂風月無邊也。

余同麓文敏過蘇申瑤泉文定家留飲設魚羹戲曰這魚有丁。文敏笑而領之已侍  
兜趣別。余曰且住待申時行各隱其名以戲也。

吳瀛海禮嘉沈大若一中。同年相善。瀛海邀沈觀燈。沈指鯉燈曰此鯉雖佳恐非瀛  
海中物。俄沈求去。吳引滿勸曰水酒不堪大噉再進一鍾。

平湖沈萃禎少所狎羽童補功曹。歷長沙衛經歷。沈思蘇州守。陸員外嗣端改唐詩  
嘲之。鶴髦雲冠宮樣妝。春風一曲度為娘。師公見慣渾閑事。惱亂蘇州刺史腸。

海鹽吳少白。刊詩一帙。序曰先君號少白。既不能文。又不能詩。曷足少哉。予之少也  
非少先君之白也。乃少太白之白也。云云。有蘇州雪詩。玉皇昨夜買私鹽。故把鵝毛  
細細旋。今日虎邱山上望。一個蘇州通麵煎。題虎云。胡他胡他又胡他。兩眼銅鈴怕  
殺他。

嫠人有縣丞行四十。秀才行二十七。子行三十六。聘啟云。四十縣丞。非廿七秀才之  
所敢仰。二八嬌娥。正三六新郎之所宜求。社三句疑  
有脫誤。

平湖令劉士瑗以匠訴寃不之直。被斧傷指。邑紳候問曰。樂只君子。民之父母。

萬歷士辰狀元侯官溫正春由龍谿教諭或增四喜詩曰十年久旱逢甘雨十里他鄉遇故知和尚洞房花燭夜教官金榜掛名時

嘉興朱仲我嘲尼詩不惜風流世所傳一生隨處覓姻緣超昇已出平康巷解厄還登波若禪節按木魚移此日歌翻虎鳳想當年一心未絕紅樓夢春夜猶思醉管絃海甯陳某楹帖三十步聊葺以居一二件足耕而食或改之曰三分錢聊曰生財一二畝足稱好色

太學某訪伎通刺眷侍教生伎報刺眷侍教旦

予友王介人有招飲者視其刺則王介臣也僕誤報之介人賦一絕句云君是鬚鬚我面麻姓名舉止不曾賒西家受東家醉只為當年一字差

海鹽朱同知學忠□□進士題天寧寺僧舍曰存通臺或請其義笑曰賊禿轉音也烏程沈聖岐萬歷□□進士游狹邪間題香筭堂友人問所出曰千人日个个弄讀杜工部詩入門高興發侍立小童清此君亦有外癖為之一笑

人有咏杜詩子璋髑髏血模糊之句而愈瘧者乃予美有三年猶病瘧一鬼不消亡之句豈其詩不自靈乎鄭以偉杜吟

鍾伯敬詩。桃花少人事。吳門朱隗曰。李花終日忙乎。譚友夏詩。秋聲午夜真。朱隗又曰。甲夜乙夜。秋聲尚假乎。

前定

龍潭龔某。敗參遼東。寓撫順城。萬曆戊午四月。臨發待治。一金壺。逆旅知建州當有變。趣之南隣。酒餞醉甚。宿焉。詰旦城陷。南隣客俱殺。本邸獨全。而龔某以宿南隣不免矣。蓋建州之謀預定。北邸以大駟與之通也。

乙酉閏六月。北兵破嘉興。大殺掠。縫人吳某居城隍廟前。同三人夜伏神座下。見侍像進簿唱名。某人被某殺。至吳某云。殺于黃偉。駭甚。質明兵入。迎謂來者。非黃偉乎。首兵曰。我非也。次日黃偉因獲吳。問何以知我。告之。故歎曰。我徐州人。于爾或宿業。若甘心焉。冤報何時已乎。即神前解之。拜稱兄弟而去。

山陰范明隆。貴州副總兵。罷歸。值鼎革。張存仁鎮浙。以明隆父任邊東都司。時同明隆讀書丙戌。下浙東。聘至。論舊不異疇昔。令通謁。巡撫蕭起元方殺南將。忽記明隆亦浙東人。立召斬之。明隆實非南將。又忘為存仁故人也。存仁大慟。賻三百金。使不困存仁夙好。何至誤羅其網哉。

澁浦所百戶王雲遠。遭亂同婦磨菽乳自活。弟某無賴。以百戶名官浙東。浙東敗。張存仁按名捕百戶。斬于市。婦某氏給配營卒。義不從。自經。其弟尚存。

### 同庚

永康程京兆。正誼。義烏虞御史懷忠。同嘉靖庚子九月四日子時生。同隆慶辛未進士。同司李。內召懷忠入西臺。忤時宰。出守袁州。仍謫潛山。邑邑死。正誼以刑曹歷大京兆八十。

萬曆癸丑會元。宜興周廷儒。天啟乙丑會元。無錫華琪芳。崇禎戊辰會元。嘉善曹勳。俱生萬曆某年某月某日。其時地小異。先後冠南宮亦奇。

### 內承運庫

正德三年。睢州劉淮。以孝廉入太學。歷事兵部。時同年詹伯齡亦歷事內承運庫。述庫中有象牙二。長三丈。重七百餘斤。蝦鬚二。圍如鵝卵。長三丈。東方朔桃核半枚。大如人掌。鱗皮一。大小珊瑚樹八九枝。次日余同詹進觀之。果然。鱗皮已蝕。闊可七八尺。桃核中鑄東方朔桃核五大金字。劉淮聞見錄

### 朝鮮使臣夷人寫早朝詩

正德四年元日候朝辰時。上還未出時有朝鮮日本安南三國陪臣候朝其一人畫地作字云花迎佩劍星初落柳拂旌旗露未乾又一人書云日色纔臨仙掌動香烟欲傍袞龍浮余同劉宗敬觀之良久宗敬曰此夷人寫早朝詩有意笑中國蒿祝之晚也眾憬然劉淮

南曲

海鹽腔始元澈浦提舉楊氏

崑山腔始邑人魏良甫

東林雜俎和集終